





賤糶貴出質迂有無此商賈之樂高官厚祿名取顯此進仕之  
樂受服出征前無敵效此將帥之樂四海寧一六合無塵端拱  
巖廊社稷安固此帝王之樂也頃命將西征今已剋捷萬里清  
泰戰士咸得還家此朕為樂之時因賜群臣頃觴極歡而罷  
二十三年二月癸巳特進新羅王金春秋國還令三品以上宴  
之優禮甚備

新刊監本冊府元龜卷第一百九

新刊監本冊府元龜卷第一百一十

帝王部 一百一十

宴享第二

唐高宗永徽三年二月甲辰宴三品於百福殿帝舉  
以錦綵各有差



甲寅京城百姓以歲旱帝避正寢撤膳遂降甘露相率宴樂兼  
奏倡優百戲帝御安福門樓以觀之

五年四月癸巳宴文武群官及麟遊縣老人於玄武門賜物各  
有差

九月乙亥御丹霄樓臨觀三品以上行太射禮內子賜五品以  
上射帝升永光門樓以觀之

顯慶元年正月己卯宴文武群官及朝集使蕃客京城老人八



新刊監本冊府元龜卷第一百六

帝王部一百六


惠民第二

唐代宗廣德二年浙東諸州以討平賊帥表晁  
賑恤

大曆四年四月連雨至八月京城米斗八百文官米出二萬石  
減估而糶以惠貧民

十一年三月以杭州前歲水災命右散騎常蕭昕使于杭州  
宣慰賑給

德宗以大曆十四年五月即位七月庚午詔邕州所奏金抗誠  
為閩國語人以利非朕素懷方以不貪而為寶惟德繫物豈  
尚茲難得之貨生其可欲之心邪其金坑任人開採官不得占





十月辛卯以官糶米三千給貧人

興元元年十月乙亥詔曰頃戎役繫興兩河尤劇農桑俱廢井邑為墟丁壯服其干戈疲羸委於溝壑可朔而至大原自淮浙而襍洛汭虫溟為害兩澤愆然猶徵賦未征役未寧凍餒流離寄命無所其宋亳淄青澤潞河東常冀幽州易定魏博第八節度管內各賜米五萬石河陽東都二節度管內各賜三萬石所司即般運於楚州分付各委本道領受賑給將士百姓江淮之間連歲豐稔迫於供賦頗亦傷農收其有餘濟彼不足宜令度之於淮南浙江東西加價和糴米三五十萬石羗官般運於諸道減價出糴貴從權便以利於人宜即遣使分道宣慰勞勉將士存問鄉閭有可以救歲凶災除人疾苦各於長史商量奏問貞元元年正月辛丑賑貸諸道將士百姓昭義河東成德幽州

義武魏博奏誠晉慈隕宣武平盧汴滑河陽東都畿汝州諸軍節度合賑米四十七萬石

二年二月詔回諸道節度觀察使所進牛委京兆府勘責有地無牛百姓量其產業以所進牛均平給賜其有田五十畝以下人不在給限給事中袁高奏曰聖慈所憂切在貧下百姓有田不滿五十畝者尤是貧人請量三兩戶共給牛一頭以濟農事從之是時蝗旱之後牛多疫死諸道節度常臯李叔明等咸進耕牛故有是命又賜京兆府百姓種子二萬石同州華州各三千石陝虢兩州各四千石

四月陝虢觀察使李泌奏魏州盧氏縣山冶近出瑟瑟請充貢獻禁人開採詔曰瑟瑟之寶中土無所今產近於甸實無靈貺朕不飾器玩不尚珍奇思返朴之風用明躬儉之節其出瑟瑟



慶任百姓求採不宜禁止

四年正月詔曰諸道遭水旱委長吏貸種

六年七月以麥不登賜京兆府種五萬石

七年三月以閔輔牛疫存者十五六帝遣中使市以給之

八月河南河北山南江淮凡四十餘州大水遣中書舍人奚陟

往江襄廷隨鄂申光蔡等州左庶子姚齊梧往陳許宋毫徐泗

等州秘書少監雷威往鎮冀德棣深趙等州京兆少尹韋武往

揚楚廬壽徐潤蘇尚湖等州宣撫應諸州百姓因水不能自存

者委宣撫使賑給

十二月詔曰惠下恤人先王之政典視年制用有國之常規故

有出公粟以賑困窮弛歲征以寬物力迺者諸道水災臨遣宣

撫省覽條奏載懷憫惻其州縣遭水漂損乏絕戶宜共賜三十萬

石庶支郎與節度觀察使計度各隨所宜支給委本使擇澤清

幹官受米送給州縣

十三年三月河南府上言當府旱損請使舍嘉倉粟五萬石賑

貸百姓可之

十四年六月庚寅詔曰訪聞蒸庶之間米價價種貴念茲貧乏

每用憂懷苟利於人所宜通今令度支出官米十萬石於街東

西各五萬石每斗賤按時價糶與百姓乙巳以旱儉穀貴人流

出大倉粟賑恤京兆府諸縣

七月令賑給京兆府百姓麥種三萬石

十月以凶旱穀貴出大倉粟三十萬石令京兆府開場糶以惠

民

十二月以河南府穀人流令出舍嘉倉粟七萬石開場糶以惠



惠河南飢民

十五年三月以久旱歲凶出大倉粟十八萬石於京畿諸縣賤糶以救貧民

十九年七月貸京畿百姓麥種

憲宗永貞元年八月即位九月丙子詔申光蔡及陳許兩道將卒百姓等比遭旱損多闕糧儲持宜賑貸令其有濟申光蔡等州宜賜米十萬石陳許等州賜米五萬石仍令形部員外郎薛丹充宣慰使專往存問

十一月以久旱京師師監責出庫監一萬石以惠飢民

元和元年四月戊申命司部員外郎張汝以米十萬石賑給于浙東

四年正月壬午制曰王者立國本於安人暨海宇蒼生不忘引

覆天下至廣咸務和寧其或郡國罹災存恤為重發廩蠲賦時惟舊章獻歲布和前聖高蠲朕祗膺曠命續洪緒居兆人之上五載於茲推大信以撫萬邦體至仁以蕃庶類夕惕惟厲夏深納隍豈布理猶鬱上互未感精稜相盪陰陽或愆近者江淮之間水旱作沴綿亘郡邑自夏徂秋雖誠郡神無愛圭璧而災流下土虧我生成速亡靡依凋瘵斯甚疫俗難食時予之辜當宇疚懷宵衣興歎憫茲求臨遣使臣分命述行持存加恤徃救災患冀安流庸俾免其田租賑以公廩隨便拯給惠此困窮其元和三年諸道應遭水旱所損州應合放兩稅錢米等損四分以下准式處分四分以上者並准元和元年六月十八日勅文放免仍委中門下即於朝班中擇人分道存恤其單貧乏戶轉徙未安便以常平義倉所貯斛斗量事賑貸務令存濟副朕憂



軫嗚呼方岳長吏居職親人永言分憂亦惟善政教哉有土咸  
悉予懷

六月渭南縣暴水泛溢漂損閭舍二百一十三戶秋田十有六  
頃溺死者六人命京兆府發義倉賑給

十一月詔淮南揚楚滁三洲浙西潤蘇常三州今年歉旱尤甚  
米價殊高言念困窮豈忘存恤宜以江西湖廣鄂岳荆南等使  
折糴米三十萬石賑貸淮南道三州三十萬石賑貸浙西道三  
州恐此米到遲不救所切宜委淮南浙西觀察使且各以當道  
軍糧米據數給旱損人戶節級作條件賑貸淮南李吉甫浙西  
韓臯躬親部署令刺史縣令切加勾當使此米必及飢人以副  
朕意如賑貸三州之外可及諸州以聽量便宜處置待江西等  
道折糴和糴米到各據數收官

六年二月癸巳制曰王者本憂人之心有順時之令故及發生  
之後必引利澤之規以此惠人及於阜俗今三陽布和萬物遂  
性唯人之窮乏者或不能存自朕所以憫然省憂議所賑救如  
聞京畿之內綠舊穀已盡粟米未登尚不足食陳豈有餘於播  
種勸其耕食固在及時念彼徵求尤資寬貸京兆府宜以常平  
義倉粟二十四萬石貸借百姓其諸道州府有乏少糧種處亦  
委所在官長用受平義倉米借貸淮南浙西宣歙等道元和元  
和四年賑貸並且停徵容至豐年然後慎徵

七年二月壬辰制曰王者布德行惠必順天時發倉賑之蓋循  
舊典朕君臨寓縣念切黎元思欲咸致其安各阜其業事閔恤  
下政在使人予無愛焉斯為大本而旬服之內比年豐穰一歲  
不登遂至艱食豈非穀下賦後經制猶繫物力所資凋耗已甚



興言於此愧歎良深今春陽發生田事具飭首迫於歉乏不能  
日存則耕植頓虧秋成何望所以特加惠賚蠲彼徵求庶農桑  
之及時俟趁麥之稔式當和煦之候載示憂勤之心我其永  
懷俾厚生殊京畿百姓宜賑給粟三十萬石內八萬石以京兆  
府常平義倉粟充其餘用大倉粟之給

九年二月丁未制曰善為國者務蓄於人百姓未足君孰興足  
其或時逢水旱念切惻嫠於是有人己責之恩行散利之典古今  
通範何莫由斯朕恭已厲精以臨兆庶永言憂濟終食豈忘恩  
俾萬邦同臻富壽而去歲旬服象序憇和夏屬驕陽和多苦雨  
三農爽候五稼不滋比及收藏曾靡善屬如聞閭井之內儲備  
罕充產於地者既徵出於力者必困既牽公上之稅存迫輸送  
之期循環歲時固亦勞止况群具列軍衛寔繁供意之名制

備存上工役之科未艾四方稔榦屬存京師念茲務人良多愧  
歎今土膏方動東作其勤逋賦未蠲種餉何望宜加惠渥式俾  
厚生趁澤務農庶乎勤化姑示納隍之旨佇寬艱食之虞煦育  
順時義斯可取應京畿百姓所欠元和八年稅斛斛青苗錢稅  
草等在百姓腹內者並宜放免仍以常平義倉斛斗三十萬石  
委京兆府條流賑給務及貧人如常平義倉不足宜即以元和  
七年諸縣所貯折糴斛斗添給應緣賑給百姓等委京兆差擇  
清強官每於縣界逐處給付使無所弊各得自資近歲以來屢  
弘德澤邦畿千里上號田腴阜安疫黎亦在循政咨爾京邑長  
吏洎於宰字之官各宜叶心將我詔意成之以優授之以仁宣  
示朕懷咸使民悉時百姓以八年水害農功及春作告早於是  
畿輔間以徵賦為憂及此詔下人情大悅



五月以旱穀貴出大倉粟七十萬石開六場糶之并賑貸外縣百姓至秋熟徵納便於外縣收貯以防水旱

十年十二月命度支郎中薛公幹賑恤易定等州

十一年四月丁巳以粟八萬石賜徐宿二州皆卹其水旱

十二年正月以東畿及陳許饑詔鄭華觀察使以估糶官粟救之

四月詔出大倉粟二十五萬石糶於两市以惠飢民

九月辛卯制曰朕為君父期至豐寧夙夜永思未嘗怠息而庶政猶闕常雨為災今遠近或有墊溺浸敗廬舍漂浸田苗言念疲黎重罹斯弊覽茲奉執嗟悼良深將彼獲安豈忘賑救其諸應遭水州府河南澤潞河東幽州江陵等管內及鄭滑滄景易定陳許晉隄蘇襄復怠越唐隨鄧等人戶宜令本州厚加

優恤仍各以當處義倉斛斗據所損多少事

各仍賑給訖開

具數聞奉

十四年七月東都留守上言河南府汝州百姓飢詔貸河南府粟五萬石汝州二萬石

八月乙亥歸光州茶園於百姓後刺史房克讓之請

穆宗長慶二年七月以陳許懼水災五萬石

閏十月甲寅詔曰如聞江淮諸旱損頗甚所在米價不免踊貴眷言疲潑須議優矜宜委淮南浙西浙東宣歙江西福建等道觀察使各於當道有水旱處以常平義倉斛斗據時估減一半價出糶不得令豪家併糶使其必及貧人

十二月甲午命以絹二百疋賑京師東西市窮丐者

四年二月詔如聞京城米穀翔貴百姓之食者多夏麥未登須



有救卹宜出大倉陳粟四十二萬石度支京兆府類會減時價於東西街置場出糶其價錢仍府司收貯至秋收糶却慎

敬宗寶歷元年十二月詔曰農功所切實在耕牛疲乏此理須給賜宜委度支於東振武靈鹽夏州分市耕牛萬頭交付京兆尹令均給畿內貧下百姓其價以戶部綾絹充

太宗大和元年六月命中使赴京兆府宣令脩高陵界白渠斗門任百姓取水溉田

二年七月詔曰朕撫有四方子育兆庶虔恭夕惕罔敢自暇庶幾天地交感人神洽和聞山降災濞雨泛濫豈政理有所未明人情有所未達邪中宵待旦惕然疚懷應是諸州遭水損田苗壞廬舍處宜委所在長吏切加訪卹如不能自濟者宜發義倉振給普令均一以副朕懷

三年五月詔已來水損處鄆曹濮淄青德齊等三道宜各賜米五萬石兗海三萬石並以運米在側近者逐便速於般運仍以右司員外郎劉茂復充曹濮等道賑恤使戶部員外郎嚴暮充海等道賑恤使

七月齊德州奏百姓自用軍以來流移十分只有二分伏乞賜麥種耕牛等勅量賜麥三千石牛五百頭共給綾一萬疋充價直仍各委本州自於側近市糶分給

四年七月辛卯以大原人飢賑貸斛斛三萬石癸巳許州上言去年六月二十一日被水有詔應遭水損百姓等宜量放今年租子委本道即具分折聞奏仍令宣慰使李珣與本道勸會人戶實水損每人量給粟一石其當戶人多亦不得過五石令度支以逐便支送具人粟數分并以聞并免本道合送上給錢二



萬

八月戊寅舒州上言當州大湖宿松望江等縣後今年四月已後江水泛漲沒百姓田業共計六百八十二戶並盡人皆就高避水飢貧無食有詔以義賑給

十月庚戌詔曰朕以寡德臨御萬方宵旰憂勤匪敢自暇然仁及物誠不動天陰陽失和水潦為敗顧茲災沴害及生靈江淮之間滁兩州應水損縣數具所申奏漂溺人戶處宜委本道觀察使與本州刺史子細檢勘今放今年秋稅錢米仍以義倉斛斛逐便掇淹損田苗漂壞廬舍及虫螟所損節級矜減詣實奏聞如聞沒溺甚處亦以義倉量事賑賜其京兆河南府所損縣即掇項畝依常例檢覆分数蠲州縣牧宰各務撫安必令均濟用稱朕意

五年正月詔河東兵戈之後亢旱踰年倉廩空虚元元困乏若無救恤恐至流亡宜借便粟十萬石

七月東州玄武江水漲二丈梓州羅城漂人廬舍詔劔南兩川水運使宜撫賑給

六年正月制京兆府諸縣宜以常平義倉斛斛量賑卹仍先後下戶給

二月戶部侍郎庾敬休奏兩川米價騰貴百姓流亡至多請糶兩川闕官職田祿米以救貧人從之戊寅勅曰浙西諸州皆有水災蘇湖兩州漂沒尤甚須有賑卹以救疲人兩州共賜米二十二萬石先後貧下戶給並以本州常平義倉斛斛充  
五月壬子浙西觀察使丁公著奏杭州八縣災沒詔賜米七萬石以賑之



七年正月壬午以早詔京兆府河中等州九宜賜粟五十六萬石京兆府賜十萬石河南府河中府絳各賜十萬石同華等州各賜十萬石並以常平義倉及折糶斛斗充無本色以運米折給委本州府長吏明作等第差官吏對面行宣賜先後下貧起給

八年九月詔淮江浙西等道仍歲水潦遺殿中侍御史任畹馳往慰勞以比年賑貸多為姦吏所欺徒有其名惠不及下宜委所在長吏以軍州自貯官倉米減一半價糶出務及貧弱如無貯蓄處即以常平義倉出糶入詔諸道有飢疫處軍糧積蓄之外其屬度支戶部雜穀並令減價出糶以濟貧人

九年三月乙丑詔曰朕以寡德託於兆人之上雖兢兢業業思理不急而政道多闕和氣用傷仍歲水旱黎人艱食為之父母斯心鬱陶如聞魏博六州阻飢尤甚野無青草道殣相望及山東道陳許鄆曹濮淮南浙西等道皆困於飢疫慮乏種餉其魏博宜賜粟五萬石山南東道陳許鄆曹濮等三道各賜糙米二萬石充賑給委度支逐便支道濮南浙西兩道委常吏以常平倉義倉粟賑賜

開成元年正月詔同州賜穀六萬石河中絳州共賜十萬石委度支戶部以見貯粟麥充賜

二年七月詔以時旱減入內水十分之九賜百姓灌田從京兆尹崔珙之請也

四年七月丙午滄景節度使劉約奏請義倉以恤遭水百姓詔日本置義倉只防水旱先給後奏勅有明文劉約所奏亦為遲晚宜速賑卹



武宗會昌元年正月詔如有陂澤山原百姓或力能懇闢耕種

州縣不得輒問所収兼子

臣欽弱寺曰唐自武宗至昭哀無實錄故此後作闕

後堂莊宗同光四年正月己卯明宗奏深冀諸州縣流亡飢饉

戶一千四百乞鄴都倉儲借貸以濟貧民  
明宗天城四年二月詔應定州城外脩築寨處委招提本主識

認城內窮民不濟者委本道量加賑給

長興元年正月華州上言准詔賑給貧民以去年水災故也  
二月郊禱禮畢制曰諸州府或經水旱災沴恐人戶闕少糶糧

方值春時誠宜賑恤宜令逐處去取年納到新好屬省斛斛各

加賑貸候收秋日徵納是月宋州奏准詔賑貸粟萬石  
三月差中使三人往鄧兼賑貸貧民是月陝州奏准詔賑貸貧

民  
五月青州奏准詔賑貸貧民糧一萬四百一十九石

二年二月汴州奏准詔賑貸遭水處貧民

三年三月辛亥帝謂侍臣曰朕昨日出城見百姓父子三人同

曳犁耒者力農如是深軫予懷可賜耕牛二頭

七月丁未內出御札示百僚曰朕以臨御萬邦寵綏四方務卹

民以設教期化俗以成風昨自霖雨連綿川瀆泛溢傷數州之

苗稼蕩百姓之兵園邁此微災慙虧至德致農者失刀田之望

念編氓有艱食之勞每自責躬更思求理欲使人獲其蘇息恨

不家至而撫安憂勞所深鑒寐斯切宜布維新之澤式金可大

之功今年州府遭水潦處長吏切加安存不得輒有差使

及第等賑貸斛食仰逐處長吏切加安存不得輒有差使如戶

口流移其戶下田園屋宅仰村鄰節級長須主管不得信令殘



毀候本戶歸日具元桑棗根數及什物數目交付不得致有欠少本戶未歸即鄰保請佃供輸若入務時歸業准例收秋夏後交付責示招携永期康泰速宜宣布稱朕意焉是歲宋毫頓三州水災尤甚樞密使范延光趙延壽從容奏曰今秋宋宅頓等州水災甚民戶流亡粟價暴貴臣等商量欲於本州官倉斛斛依如今時估出糶以救貧民兼大水之後頓宜宿麥窮民不辦種亦望本州據民戶等第支借麥種自十石至三石候來年收麥據原借數收納官從之乃下此詔

晉高祖天福四年十二月帝以兩雪彌月出金粟新炭與大羊之皮以賑貧民

六年四月乙巳以濟魯民飢詔鄆青兗三州管内發倉糧賑貸七年七月壬戌開封府奏准宣給糧二萬石賑諸縣貧民是月

戊辰遣司農少卿李玘使宿州鴻臚少卿龐令圖使洛京白波賑貸貧民

少帝天福七年八月詔襄州城內百姓等久經圍閉例飢各貧宜示頒宣用明恩渥大戶各賜粟二石小戶各賜粟一石宜令襄州以見數充

十二月丁丑詔遣共奉官馬延瀚洛京賑恤飢民仍宣河南府差大將量將米豆往諸山谷俵散給人戶其諸縣各欠秋稅與限至來年夏麥徵納

八年正月丁酉勅河南懷孟鄭等州管内百姓有積粟者仰均分借便以濟貧下

周太祖廣順三年三月庚申齊州言禹城縣二年水民飢流亡今年固河倉有初糧五萬二千餘斛欲賑貸勅諸色留三二千



斛給巡檢職員餘并賑貸貧民

三年三月壬辰徐州彭城縣民乞賑貸從之

十一月辛卯勅膳部負外郎劉表徵往兗州開倉減價糶粟以水害稼救飢民也丙午單州刺史劉禧言倉州充給歲餘軍糧外有大麥六萬石欲開倉官糶以濟貧民從

十二月以亳潁二州大水民飢有所倉及永成倉度支給軍食一年外遣使減價出糶顯德元年正月乙酉分命朝臣杜祥等五人往亳潁濮永城固河口開倉減價出糶以濟貧民

世宗顯德四年三月命左諫議大夫尹日就於壽州開倉賑給貧民又命供奉官田處嵩梁希進等於壽州城內烹粥以救民人六月辛丑西京上伊陽城縣居民多於山谷間淘金帝曰山澤之利與衆共之王者之道也命本府勿禁

六年正月命廬州開倉出陳麥以糶之蓋克復之後民尚阻飢故廉其價以惠之也

二月壬午濠州上言准宣出糶省倉陳麥以利飢民

三月壬戌楚州上言准詔烹粥以救民飢丙戌遣使往和州問倉以賑飢民戊子命壽州開倉以賑飢民

十二月分使臣賑給諸州遭水人戶

新刊監本冊府元龜卷第一百六



新刊監本冊府元龜卷第一百七

帝王部一百七

朝會

夫朝夏宗秋覲冬遇天子端委而向離明諸侯輯瑞而畢會九  
賓在位三揖成禮號令憲章於是出聲明文物罔有不備寅恭  
者加礼怠愼者貶爵所以訓上下則之正君臣之序教庶民以  
事上示率土以大同也夏禹之塗山刑辟以討後至康王之鄭  
慈惠以接來庭三代之制於斯為盛厥後質文雖異沿革同歸  
罔不脩其班制差其功位既以述職以用講礼盖寐爽而聽政  
人君之盛儀假寐而待旦人臣之忠節陵三軍者以之生惧有  
家邦者其可忽此至若井泉受計露門頒令小正以見和仲夏  
以威覲奉乎皮幣賜車馬發樽以求諫交戟以宣威皆歷代之  
遺美前王之令範書之方冊可為彝訓隋民而上史多闕文唐



室而下所計詳悉並全次其事列之於篇其有長樂之尊承華  
之貴三元慶賀率為典故以至國家多故因而發朝咸附之云  
爾虞舜正月上日受終于文祖上日朔日也終謂堯終帝位  
五瑞既月乃日觀四岳群牧班瑞於群廟揖飲既盡觀見班還  
子男之瑞圭璧畫以正月月中乃日日見四岳  
乃九州牧監還五瑞於諸侯與之正始也  
夏禹合諸於塗山執玉帛者萬國諸侯執玉附庸執帛  
周成王即位少周公攝政朝諸侯於明堂之上周公攝王位以  
諸侯也不於天子負斧依南向而立天子周公也負之言皆也  
宗廟壁玉也天子負斧依南向而立斧依為斧文屏風於戶牖  
之間周公三公中階之前北面東上諸侯之位階之東西面  
於前立焉北上諸侯之國西階之西東面北上諸侯之國門東北面東上諸  
男之國門西北面東上九夷之國東門之外西面北上八蠻之  
國之國之外北面東上六戎之國西門之外東面北上五狄之

國北門之外南面東上九采之國應門之外北面東上四塞世  
告至此周公明堂之制也朝之禮不於此周公權用之也朝位  
貢職者也正門謂之應門二伯帥諸侯而入牧居外糾察而之  
也四塞謂夷服鎮服蕃服在四方焉設塞者新君即位即乃朝  
周札侯服歲一見甸服二歲一見男服三歲一見采服四歲一  
見衛服五歲一見要服六歲一見九州之外謂之蕃國世一見  
康王既尸天子尸主也主天出在應門之內出畢門立應門大  
保率西方諸侯入應門左畢公率東方諸侯入應門右二公為  
率其所長諸侯隨皆布乘共朱諸侯皆陳四黃馬賓稱奉圭廉  
其方為位皆北面朱鬣以為庭實幣曰一二臣衛敢執奠實諸侯也敢執壞皆再拜稽首王義嗣  
德荅拜康王以義繼先人明大保暨芮伯咸進相揖皆再拜稽  
首冢宰與司徒皆共群諸並進臣  
其後康王又有鄆宮之朝鄆在始平鄆縣東有靈  
穆王有塗山之會



漢高帝七年長樂宮成諸侯群臣朝十月高帝因秦制以十月為歲首用叔孫通新儀先平謁者制禮引以次入殿中陳車騎戎卒衛宮設張旗志志與識同音式餌切傳曰趨傳聲教人孝

皆令趨謂疾行為敬殿下郎中俠陛陛數百人俠與挾同挾其兩傍每陛皆數百人也攻臣列諸侯將軍軍吏以次陳西方東

鄉文官丞相以下陳東方西鄉鄉讀皆曰嚮大行設九賓臚句

傳上傳語告下曰為臚下告上句也大行掌賓客之禮令之為鴻臚也九賓則周禮九儀也謂公侯伯子男孤卿大夫士也

臚音於是皇帝輦出房百官執戟傳警傳聲而唱警引諸侯王以下

以吏九百石以次奉賀自諸侯王以下莫不震恐肅敬至禮畢

盡置法酒法酒者猶言禮酌謂不飲之至醉諸侍坐殿上皆伏抑首抑屈也謂禮法不敢

而坐以尊畢次起上壽觴九行謁者罷酒御史執法舉不如儀者輒引去境朝置酒無敢謹謹失禮者於是高帝曰吾乃今日

知為天子之貴也

武帝元封五年春巡狩還增封泰山因朝諸侯王列諸侯舜郡

國計計若今諸州計帳也

大初元年春受計於茸泉

天漢四年正月朝諸侯王於茸泉宮

宣帝神爵元年六月詔曰軍旅暴露轉輸煩勞其令諸侯于列

侯蠻夷王侯君長當朝二年者皆毋朝

後漢安帝永初四年正月元日會徹樂不陳九庭車每大朝會必陳法物

車輦於庭故言充庭車以年飢故不陳

魏齊王景初三年正月即位七月親臨朝庭公卿奏事

晉武帝泰始六年正月丁亥朔帝臨軒不設樂史不載其故

元帝太興元年正月戊申朔臨朝軒而不樂時愍帝蒙塵



明帝大寧元年三月戊寅朔改元臨軒

二年正月丁丑帝臨朝停饗晏之禮

穆帝永和六年正月帝臨朝以褚裒喪故懸而不樂

褚裒康缺褚古之父

七年正月丁酉朔日有食之先是廷尉王彪文與揚州刺史殷

浩書曰大史上元日合朔談者或有疑應却會與不昔建元元

年亦元日合朔庚車騎馮孔才所論以示公座于時朝議有謂

孔才所謂為不得禮儀苟令從之是勝人之一失也何者禮云

諸旅見天子入門不得終禮而廢者四大廟火日蝕后之喪兩

霽服失容尋此四事之指自謂諸侯雖入門門而卒暴有之則

不得終禮非為先存其事而倖史官推行而錯雜容豫廢朝

禮也夫三辰有災莫大日蝕史官譴而無惧容不脩豫防之禮

而瘠消災之術方大饗華夷君臣相慶豈是將處天災罪之謂

且檢之事實朝朔之儀至尊靜躬殿堂不聽政事冕服御坐門

闈之制與元會禮畢自不得兼行則當權其事宜合朔之禮不

輕於元會元會有可却之準合朔無可廢之儀謂應依建元故

事却元會浩從之竟却會

十年正月巳酉朔帝臨朝以五陵未復懸而不樂

十二年正月丁卯帝臨朝以皇太后母喪懸而不樂

恭帝元熙元年正月壬辰朔改元以山陵未厝不朝會

後魏大武正平元年正月丙戌朔帝南伐臨江大會群臣於江

上

孝文太和十年正月癸亥朔帝始服袞冕朝饗方國

十五年十一月丙戌初罷小歲賀

小歲謂冬至

十八年春正月丁未朔群臣於鄴宮澄鸞殿



十九年十二月丁未朔引見群臣於光極堂甲子又引見群臣於光極堂班賜冠服

出帝大昌元年十一月戊戌朝會百官於大極前殿

後周武帝保定五年春正月甲申朔齊朝以康國公王雄死王事故也

天和六年春正月己酉朔齊朝以露門未成故也

建德三年正月壬戌朝群臣於露門

宣帝大象元年正月癸巳受朝於露門帝服通天冠絳紗袍群皆服漢魏衣服大赦改元

二年正月丁亥帝受朝於道會苑

唐高祖武德九年正月庚寅朔齊朝兩也

太宗貞觀十一年正月朔帝臨懸而不樂禮也為高祖憂也

十三年九月僕射房玄齡奏天下太平方機事簡請三日一臨詔許之

十九年正月庚午朔帝常服不臨軒行幸洛陽宮衣冠禮樂闕故也

十二月正月甲子朔太宗常服不臨軒行在故也是年征遼迴

高宗貞觀二十三年即位九月十一日大尉無忌等春請視朝坐帝日報曰朕登大位日夕孜孜猶恐擁滯衆務自己後每日常位

永徽二年八月二十九日下詔來月一日大極殿受朝此後每五日一度大極殿事視朝朔望即為常式

四年正月癸丑朔帝臨懸軒而不樂以濮王泰在殯故也

六年正月壬申親謁昭陵申戌至自昭陵景子受朝賀於大殿



極

顯慶二年二月大尉長孫無忌等奏以天下無虞請隔日視事許之

中宗神龍元年四月癸亥初令文武官五品以上每朔望日參升殿食景子以時屬炎暑制令每隔日方坐左拾遺斬常上

疏諫不納

事具諫諍直諫門

二年正月景子朔以則天皇后梓宮在殯不會朝

睿宗大極元年正月癸丑釋叅服御正殿奏廣樂於庭受大皇子及百官朝賀

玄宗先天二年正月大上皇誥正月十五日朝改取十一日每年皆然又非朔望日而同朔望日受朝者前後有誥非一

開元四年正月戊寅朔帝御正殿受朝賀禮畢親朝大上皇于

西宮

五年正月壬寅朔帝不受朝大上皇喪制故也

七年正月辛卯朔御含元殿受朝仗衛如常儀

八年十一月中書門下奏曰伏以十四日冬至一陽初生萬物

潛動所以自古聖帝明王皆於此日朝萬國觀雲物禮之大者莫逾時是其日亦祀圓丘皆令攝官行事質明既畢日出視朝

國家已來更無改易緣新格將其日記圓丘遂改用小冬至日受朝若新拜南郊受朝須改既令攝祭理不可移伏請改正從

之因勅自今後冬至日受朝永為常式

十年正月癸卯朔御含元殿受朝賀

十一年十二月二十四日勅萬春公主薨廢元日朝賀

十六年正月戊戌朔始政聽于興慶宮朝賀如常儀

臣欽若等曰興慶宮



聽政自  
地始

十一月乙巳日南至御含元殿受朝賀

十八年正月癸酉御含元殿受百寮朝賀如常儀

二十一年正月庚子朔日有食之百如常儀

二十二年閏十二月壬子朔日有食之是日長至停朝癸未御

應天樓受朝賀是月詔諸州考使六品以下朔望日朝宜准例

賜食

三十三年正月戊申朔御含元殿朝賀如常儀

二十六年六月庚午朔御含元殿朝賀如常儀

二十八年正月戊子朔御含元殿朝賀如常儀

二十九年正月癸未朔御含元殿朝賀

天寶元年正月丁未朔御勤政樓受朝賀大赦天子改開元三

十年為天寶元年

二年正月辛丑朔御含元殿朝賀

三載正月丙申朔御含元殿受朝賀

四載正月己未朔御含元殿受朝賀

五載正月癸丑朔帝御含元殿受朝賀

六載正月丁丑朔御含元殿受朝賀是月詔曰今朕殘在運無

事為心願此朝儀當符至理既時非肝食將致昇平而遂設殺

刑何成在宥其每日立杖食及杖等鋌並宜停廢

十一月辛卯引朝集使及貢舉人見

十二月丙寅仗下後百官於尚書省閱貢物

七載正月壬申朔於含元殿受朝賀

八載正月丙寅朔御含元殿受朝賀



九載正月辛卯朔帝於華清宮受朝賀

十載正月乙酉朔御含元殿受朝賀

十一月丙午冬至御觀風樓受朝賀

十一載正月己卯朔帝於華清宮受朝賀

十二載正月癸卯朔帝御含元殿受朝賀

十三載正月丁酉朔幸清宮御觀風樓受朝賀

十四載正月庚申朔御含元殿受朝賀

十五載正月乙卯朔御宣政殿受朝賀

肅宗至德三年正月甲戌帝御含元殿受朝百官上壽稱賀

乾元二年十一月丁亥冬至朔朝聖皇於興慶宮習受朝於含

元殿

三年正月癸亥朔帝御含元殿受朝中書令代國公子儀攝大

尉上壽稱賀朝退百寮於宣政殿起居聖皇乙丑常服於崇明

門通賀皇太子丙寅外命婦朝皇后於光順門內殿

上元元年正月丁亥朔御含元殿受朝賀禮畢百官起居聖皇

己丑外命婦賀皇后百官賀皇太子

元年建子月壬午朔帝御含元殿受朝賀畢群臣起居聖皇癸

未內外命婦朝皇后百官起居皇太后戊戌冬至受朝賀禮畢

朝皇后於西宮百官進名起居

代宗廣德二年正月乙亥朔御含元殿受朝賀如常儀

六月丁亥朔帝御含元殿受朝以國哀終制故也凡朔望朝於

前殿旧章也

九月乙未朔自八月連雨至是日不止載官元載等奏曰准儀

制令泥兩合停朝參今緣軍國事繫鞋式停朝恐有弊闕望延



三刻傳點之後

十一月甲寅是日長至御舍元殿受朝賀仗衛如常儀禮畢百官詣崇明門進名謁皇太子

永泰元年正月癸巳朔御舍元殿下制太赦天下宣制畢乃受朝賀禮畢百官詣崇明門進門詣皇太子

十一月己未是日長至御舍元殿受朝賀仗衛如常儀禮畢百官詣崇明門進名謁皇太子

二年正月丁巳朔御舍元殿受朝賀仗衛如常儀禮畢百官寮詣崇明門進名謁皇太子

十一月甲子長至舍元殿下制大赦改元太歷宣制畢乃受朝賀禮畢百寮詣崇明門進名謁皇太子

大歷二年正月壬子朔御舍元殿受朝賀仗衛如常儀禮畢百寮詣崇明門進名謁皇太子

十一月己巳長至御舍元殿受朝賀仗衛如常儀禮畢百寮詣崇明門進名謁皇太子

三年正月庚午朔御舍元殿受朝賀仗衛如常儀禮畢百寮詣崇明門進名謁皇太子

十一月甲戌長至御舍元殿受朝賀仗衛如常儀禮畢百寮詣崇明門進名謁皇太子

八年正月丁丑朔御舍元殿受朝賀仗衛如常儀禮畢百寮詣崇明門進名謁皇太子

閏十一月壬寅朔冬至御舍元殿受朝賀仗衛如常儀禮畢百寮詣崇明進名謁皇太子

九年正月庚子朔御舍元殿受朝賀仗衛如常儀禮畢百寮詣



崇明門進名謁皇太子是四時方無事間日坐朝雙日不復入閣

十一月丙午日長至詔停賀邇梁葬期也

十年正月乙未朔御舍元殿受朝賀仗衛如常儀禮畢百寮詣崇明門進名謁皇太子

十一年正月庚寅朔御舍元殿受朝賀仗衛如常儀禮畢百寮詣崇明門進名謁皇太子

十一月丁巳冬至御舍元殿受朝賀仗衛如常儀禮畢百寮詣崇明門進名謁皇太子

十二月八月以久兩宥常參百寮不許御史點班

十三年正月戊申朔御舍元殿受朝賀仗衛如常儀仗不後百寮詣崇明門進名謁皇太子

十一月丁卯長至命有司祀昊天上帝于南郊不視朝戊申上御舍元殿受朝賀仗衛如常儀禮畢百寮詣崇明門進名謁皇太子

十四年正月壬寅朔御舍元殿受朝賀仗衛如常儀禮畢百寮詣崇明門進名謁皇太子

德宗建中元年十一月辛酉朔朝集使及貢士見於宣政殿與興以來四方州府止不許內外不會同者二十有五年至此始復旧典凡州府計吏至者一百七十有三又命朝集使二人每日侍制丁丑日南至戊寅御舍元殿受朝賀初親王出閣以就

班

二年正月庚申朔御舍元殿受朝賀四方貢賦珍寶列為庭實復旧制也



三年正月乙卯朔御含元殿受朝賀

四年正月戊寅朔御含元殿受朝賀禮畢以建中正元歷二十八卷示百寮初司天少監徐承嗣奏以年歲次甲子應上元首請脩所曆是歲群臣稱賀

貞元元年七月閏中蝗食禾稼無子遺穀太貴八月甲子詔不御正殿奏事悉於延英景寅視朝於延英殿群臣列位於延英門外由甲子之詔也丁丑兩戊寅中書門下上言陛下前以憊陽經時避居正殿凡在政廢無任兢惶今至誠感通嘉兩霑洽免渠受首同類革心臣等敢昧死請自今已後依常儀御正殿詔曰可

十二月丁亥詔曰朕以眇身后明列聖不能慕脩先志以洽升平馴致寇戎屢興兵革上玄降警蝗草為災年不順成人方歎食言念於此實用傷懷是以齋心別宮與人祈穀雖陽和在候而黔首無聊稱慶於予竊所不敢其來年正月一日賀朝宜罷三年正月丙戌朔停朝賀以大行皇后在殯故也庚寅百寮以停朝賀及是歲假滿於崇明門奉慰皇太子

四年正月庚戌朔御含元殿受朝賀畢御丹鳳門樓太赦天下五年正月庚辰朔御含元殿受賀

六年正月癸卯朔不是朝先是有司奏元日日蝕有之遂停朝會及是不食百寮皆賀

五月丙寅朔上殿紫宸殿受朝是先上以五月一陽生臣子道長君父道衰非善月也父子必以是朔面焉臣子一列因令是日朝是初將冕服御宣政殿屬塗漆乃以常服御紫宸殿七年正月壬戌朔帝不視以去年冬親郊故也



四月詔曰仲夏之時陽德方盛陰事始成聖賢因天地交會之時為父子感覲之禮既行親戚豈隔君臣自我為初申恩卿士起今年五月朔御宣政殿召見文武百官九品以上外官因朝奏感聽就列仍編入式以為常典

五月庚申朔御宣政殿朝見百官書親禮也

十一月丁亥日南至不視朝

八年正月丙辰朔御含元殿受朝賀

五年乙卯朔御宣政殿受朝賀

九年正月庚辰朔御含元殿受朝賀禮畢上賦退朝觀軍仗歸

營詩以示宰臣等

十年正月乙亥朔罷朝賀之禮以九年冬郊祀故也

十一年正月庚午朔御含元殿受朝賀五月朔帝御宣政殿堂

朝

八月辛丑齋朝以故瑞王大妃薨故也

十一月丙申日南至不受朝賀

十二年正月甲午朔御含元殿受朝賀

十三年正月朔御含元殿受朝賀是月御史臺奏諸司常參文

官隔假三日以上並橫行參假其武班每日先配九參六參九參

謂每月九次朝參六參謂每月六次朝參比未或經冬至及歲寒倉等三節假滿不

是本配入日並不橫行事實乖闕請從今已後每經三節假滿

縱不是本配入日及前件官請依文官例橫行參假無廣周行

式序可之

五月丙戌朔以兩罷御宣政殿是月帝以累月天陰街鼓聲暗百官入朝多走馬奔馳是日含宣示宰臣及百官曰卿等朝謁



是常或陰雨不聞鼓聲則不免奔波走馬忽有墜損深軫朕懷  
自今已後縱鼓聲差池亦不得走馬並時暑稍甚及雨雪泥濘  
亦量放朝參宰臣等上表陳謝

十四年正月朔御含元殿受朝賀

五月朔御宣政殿受朝

十五年正月朔御含元殿朝賀五月朔以兩罷御宣政殿十一  
月罷冬至朝以興兵討蔡州吳少誠也

十六年正月朔御含元殿受朝賀

五月朔以兩罷御宣政殿是月壬戌以徐州節度張建封卒廢  
朝近例節度使帶僕射已上者卒廢朝三日尚書以下一日都  
團練觀察使則否洎貞元八年嗣曹王臯李自良皆知節度帶  
尚書卒各輟朝三日至十四年樊澤僕射卒廢朝一日十五年

監中觀察使王礎卒特為廢以利不定故書之

十一月戊戌以齊國大長公主薨廢朝三日己亥以義陽公主  
薨起今月七日廢朝三日是月罷冬至朝賀以襄王第五男薨  
廢朝

十七年正月朔御含元殿受朝賀

十八年戊午朔大雨雪罷朝賀

十九年正月朔御含元殿受朝賀

二十年正月朔御含元殿受朝賀五月朔罷御宣政殿

二十一年正月朔御含元殿受朝賀

宣宗永貞元年十月丙申朔百寮於興慶宮起居皇太后

十一月乙亥朔南至百寮詣興慶宮起居皇太后

二年正月丙寅帝率百寮於興慶宮奉冊太上皇尊號丁卯含



元殿受朝賀

元和元年四月御史中丞武元衡奏正衙待制官兩員本置前  
官以備顧問比來正衙多不奏事又貞元七年更有以對難議  
兩置去歲次對以停則待制唯六品清官恐非及善請自今  
已後尚書六品以上諸司四品已上職事官東宮師傳賓詹  
及三傳等每坐日令兩人待制退詣延英俟從之

十二月甲辰日南至權停朝賀群臣詣興慶宮稱賀皇太后  
二年二月己巳宰臣延英罷對起居舍人鄭隨次對召人面受  
進止令宣付兩省供給官自今已後有事即進狀來其次對宜  
停初貞元七年詔每御延英引見常參官二人訪以正道謂  
之對官所以廣聽視也宰臣奏罷時議非之  
是年六月丁巳朔百官初入侍漏院候禁門啓入朝故事蓋福

望仙等門昏而闔五更而啓與諸里門同時至德中有吐藩內  
自今吾伏亡命因勅脫開宰相待漏於大僕寺車坊至是始命  
有司各擬班品置院於建福門外

三年正月癸未朔以將受尊號元日權停朝參百官詣興慶宮  
進名起居皇太后又赴延英門進名奉賀四月勅旧制五月一  
日御宣政殿受朝賀礼宜停初貞元六年德宗以五月一陰生  
臣子道長君父道衰非善月也胡人之父子必以是月朔而馬  
遂為常俗臣子一也因詔以是日御正殿與群臣相見其後每  
歲率多權停帝以數術之說經典不載遂罷之

十一月甲辰日南至權停朝賀群臣詣興慶宮奉賀皇太后  
四年正月戊寅朔元舍元殿受朝賀礼畢百官詣興慶宮賀太  
后



五年正月壬寅朔御含元殿受朝賀

十二月制來年正月一日御含元殿受朝賀

六年正月丙申朔御含元殿受朝賀

十一月乙巳勅今年冬至朝賀宜權停

十二月庚午以苦寒放朝五日

閏十二月壬子勅來年正月一日御含元殿受朝賀與慶宮參賀皇太后並宜權停

七年正月辛酉朔帝不受朝賀以皇太子薨廢朝故也

四年正月開延英對宰臣以下是月以惠昭太子薨復多雨至是積旬有六日方坐朝

十二月戊戌朔勅來年正月一日御含元殿宜令所司准式甲寅晦宰臣並宿于中書

八年正月乙卯朔御含元殿受朝賀

十月丙申以大雪放朝三日

十一月庚戌朔甲寅勅權停冬至朝賀

九年正月己酉朔含元殿受賀百寮退詣皇太子于崇明門乃詣興慶宮候皇太后起居

六月癸酉以時暑甚放百官五日參戊寅以豐州刺史天德軍經略使周懷義卒廢朝一日經略使廢朝自懷義始也

十年正月癸酉朔御含元殿受朝賀既退百官赴崇門明通刺謁皇太子又赴興慶宮候皇太后起居

三月壬申朔御延英殿召對宰臣故事朔望日皇帝御宣政殿見群臣謂之大朝玄宗始以朔陵寢薦食不聽政其後遂以為常今之見宰臣特以事召也



六月勅御史臺自今以後常參官每入官以見到人名御進來其朔望及雙日莫進

十二月勅准蔡未賓師暴露而三朝之會萬國來庭舉稱樂慶有懷愧惕其來朝正月朝賀宜權停諸軍優賜並准例處分十一年正月丁卯朔不受朝賀宰臣率百官泊內外命婦起居皇太后於興慶宮

十二年正月辛酉朔以准右宿兵不受朝賀十月己卯隋唐節慶李愬帥師入蔡州執賊帥吳元濟以聞准西平辛巳御宣政殿受朝九品以上及宗子四夷之使會皆

十三年正月乙酉朔御含元殿受朝賀畢御丹鳳樓大赦天下十四年正月乙酉朔不受朝賀以東討淄清李師道來班師故也

穆宗以元和十五年即位閏正月丁巳詔以二月五日御丹樓鳳宜令所司准式

二月己辛大常禮院奏准禮及開元乾元上元元和以來元日及至冬日皇帝御含元殿受朝賀禮畢百寮起皇太后所居殿門外進名候起居諸親及內外命婦並有朝會參賀之禮伏請准元和元年十月二十三日勅外命婦有邑號者每年元日冬至立夏立秋立冬並赴皇太后宮門進名奉參如遇泥雨即停制曰可

九月辛酉立冬外命赴興慶宮進名候皇太后起居

十一月丁未南至群臣及命婦赴興慶宮進名奉賀皇太后

長慶元年四月甲午以張引靖入幽州時幽州劉總納土詔以引靖代之帝御紫宸殿受朝賀

特綬定西戎請盟京時及四方頗遇



豐年天下暫獲晏如也時議者皆以河朔負固不來庭義夫至是不勞師而幽土底定庶幾小康而識者以為止戈偃武皆資致理雖君有仁聖之資而股肱未稱政令之出中外不行既來有以厭於人心則成功不可以偶致稽諸倚伏深惧其兆亂焉十一月丁酉以討鎮州權停今年冬至朝賀

二年正月癸巳朔以幽州阻立不受朝賀

時幽州未克融因張引靖鎮州王庭湊殺

田引宰臣率百官涓內外婦命候皇太后起居於興慶宮

八月詔田秋夏之間常多水潦如緣慕夜暴雨道路不路馬車宜便放其日期參委御史臺勾當仍每日奏如雨不至甚即不在此例

十一月戊午日南至宰臣與百官涓內外婦候皇太后起居于興慶宮

新刊監本冊府元龜卷之一百七

新刊監本冊府元龜卷之一百八

帝王部一百八

朝會第三

唐敬宗以長慶四年正月即位二月辛巳纓服受群臣謁見於紫宸門西之外廊丁亥詔宜令三月三日御丹鳳樓仍令所司准式辛丑御紫宸殿群臣初辰入閣之儀五月詔停諸親王端午參賀十月癸巳札儀使奏來月二十三日冬至准故事山陵未柎廟並不合行慶賞之儀其朝賀太皇后請停又十二月乙未勅來年正月一日朝賀宜權停

寶歷二年正月己巳朔含元殿受朝賀

文宗大和元年十一月甲申日南至宰臣率百寮涓外命婦詣興慶宮及光順門行朝賀之禮

其年不朝准詣興慶宮光順門史闕文下同此是月中



外進獻賀冬如常歲

二年正月戊申朔權停賀朝文武百寮及命婦赴興慶宮及光順門起居太皇太后義安太皇后十一月己丑日南至宰臣及百寮詣興慶宮光順門進名起居

三年五月乙酉以滄州李同捷平百寮稱賀於宣政殿

十一月辛巳冬至朝賀遇郊祀並停

四年正月丙子朔權停朝賀之禮中書門下及文武百寮赴興慶宮光順門奉賀大皇太后皇太后如常儀

五年正月庚子朔以陰雨連旬罷元會之禮

十一月壬辰勅陰雪未晴其來年正月一日朝賀宜權停

六年正月乙未朔以前詔廢元會

七年正月己丑朔御含元殿受朝賀禮畢百寮赴興慶宮賀大

皇太后義安太后光順門賀皇太后比年以大曆未行元會之儀至是文武大僚中外慶悅十一月癸丑朔乙卯日南至宰臣文武百寮及命婦赴興慶宮賀大皇太后義安太后迴赴光順門賀皇太后

八年正月癸丑朔百寮延興進名起居詣光順門賀皇太后興慶宮賀大皇太后義安太后十一月庚申日南至宰臣率百寮等奉賀如常儀

九年正月丁未朔權停朝賀之禮宰臣率百寮詣興慶宮賀大皇太后義安太后光順門賀皇太后

開成元年正月己酉詔以入閣日次對官班退立於東階松樹下須宰臣奏事畢齊至香案前各言本司事右左起居又待次對官奏事畢方出



二年正月乙丑朔推停朝賀之礼宰臣率百寮詣興慶宮賀大皇  
太后義安太后復列班於光順門賀皇太后

十一月丙子日南至百寮及命婦並赴南內起居大皇太后義安  
太后迴赴光順門起居太皇太后

三年正月庚申朔推停朝賀之礼宰臣及文武百寮於南內進名  
奏賀大皇太后義安太后於迴光順門進名賀皇太后如常儀

懿

懿宗感通七年正月戊寅朔以大皇太后表罷元會

十年正月己未朔以徐泗用兵罷元會

昭宗天復二年十一月詔曰漢宣帝中興五日一聽朝歷代通  
求為常式近則不循議因此別制為度既姦邪之得計致臨視  
之失常須守旧規以循國制宜每月共計一五九日開延英計

九度其人閣日仍於延英一度內指揮如或有大段公事中書  
門下具榜子奏請開延興不繫日事

十二月勅宮嬪女職本備內任處近年以來稍失儀制官人出  
內宣本案御參隨視朝乃失旧規須為永制今後每遇延英坐  
朝日令小黄門祗候引從官人不得善出內門庶循典儀免制  
紛雜

三年五月中書門下文武百寮舊例每月一度入閣於貞觀殿  
朝參勅曰貞觀大殿朝送正衙遇至正之辰受朝送朝賀俾循  
規制須有指揮其人閣自今後宜令宰臣文武百官於崇勳殿  
候對

十一月文武兩班官員每遇一五九朝日元帥朱全忠請排廊  
食詔曰百寮入朝兩廊賜食遷都之後所司闕供元帥梁王欲



整大綱復行故事周思勞費悉自再圖是使端簡在庭咸思感  
悅義冠就列益認優隆備觀宏規弥增欽歎宜賜裝飾仍付所  
司

哀帝天祐二年四月勅自今年五月一日後常朝出入取東止  
閣門或遇奉慰即開西上閣門永為定制

後唐莊宗同光元年十一月丁未日長至帝不受朝賀百官詣

東上閣門拜表稱慶議者以為長至元會歲中之大期期為盛

當陽昭國容也兵興以來而斯禮或闕帝十二月中書門下奏

初一亟夏復唐典禮無故輟議者惜之

每日常朝百官皆拜獨兩省官不拜惟本朝故事朝退於廊下

賜食謂之廊食百官遂有謝食拜唯兩官本省有厨不赴廊食

故不拜伏自僖宗幸獨迴以多事之後遂廢廊食百官拜儀至

今未改將五十載札恐難停唯兩省官獨尚不拜豈可終日趨

朝不拜獨班列有所異同若言官是近臣於禮尤宜肅敬起今

後逐日常朝宣不坐職事官押班不拜外其兩省官於東西兩

並齊拜從之

二年正月庚子朔帝袞冕御明堂殿受朝賀大常樂左右金吾

仗六軍諸衛如常儀是月庚申四方館奏常朝諸職員多有參

雜今後隨駕將校外方進奉專使文武兩班三品以上官可於

內殿對見其餘並詣正衙以申常禮從之

七月戊戌朔帝御文明殿視朝

八月癸巳宣旨放三日朝參以霖雨甚故也

十一月乙未朔帝御文明殿視朝

三年三月甲午朔帝御明堂受朝賀如常儀是月庚子車駕幸

鄴都庚戌車駕至駕帝自千秋亭乘輦備法駕晚歸宮辛亥帝



帝御武德殿受朝賀以百官扈從之勞放十九日至二十一日朝參

三月癸巳朔車駕在鄴商御武德殿視朝是月駕車還洛都

六月壬戌朔帝御文明殿視朝奏酉勅泥塗稍甚放文武常參官朝參三日丁亥以霖雨放朝

七月乙未勅霖雨未止泥塗頗甚宜放五日六日朝參戊戌勅泥塗頗甚放八日九日朝參丁亥以霖雨放朝

八月乙丑勅如聞天津橋木通往來百官以舟舩濟渡因茲傾覆兼倍泥塗自今文武百官三日一趨朝宰臣即每日中書視

事閏十二月己丑朔帝御文明殿視四年正月乙亥勅風雪稍甚宜放三日朝參

明宗天成元年四月入洛陽甲寅始御文明殿改元肆赦

五月丁巳內出玉札一封賜宰臣曉示文武百寮每日正衙常朝外五日一度赴內殿起居宰臣百官班於文明殿庭謝其中書非時有急切公事請開延英不在此限乙酉勅每月十五日賜廊下食本朝承平時參官每日朝退賜食廊下謂之廊食自乾等亂離已後庶事革創百司經費不足無每日之賜但遇月旦入閣日賜食帝初即位始因諫官奏請文武百寮五日一起居見帝於便殿李琪以為非故事以五日為繁請每月朔望日皆入閣賜廊下食罷五日起居之儀至是宣旨月朔望皆入閣依奏五日一度起居不得停廢遂以為常

七月乙卯朔帝御文明殿視朝

八月壬辰以積雨泥甚放百寮參巳亥帝御文明殿百官入閣如月朔之例從新例也



九月丙寅帝御文明殿入閣新制次日例也

十一月甲申朔帝御文明殿受朝已亥帝御文明殿對南詔蠻兩

林鬼主等百寮稱賀是月右拾遺曹琛上疏內一件百寮朔望入

輪次轉對閣及五日一度內殿起居請許三署寺監官

十一月甲寅朔帝御文明殿癸亥日南至帝御文明殿百寮稱

賀

十二月甲申朔帝御文明殿見百寮

二年正月癸丑朔帝被袞冕法服御明堂殿百寮稱賀文物依

衛札樂如常儀丙申勅曰君使臣以札臣事君以忠札不可一

日不脩忠不可一夕不念者二全則上下順一塗靡一出入羗

須振維綱以嚴規矩凡在策名之例皆知辨色之朝儻不夙興

是虧匪懈君上思政猶自求依未為明服固合假寢待旦且令

御史臺備示文武兩班自此每日早起朝叅職司既得整齊公

事的無擁滯如式尚懈怠具錄奏聞

三月壬子朔帝御文明殿視朝

四月乙未朔帝御文明殿視

五月辛亥朔帝御文明殿視朝戊辰帝御文明殿受朝

六月庚辰朔帝御文明殿視朝甲午帝御文明殿受朝

七月庚戌朔帝御文明殿視朝戊辰帝御文明殿視殿甲戌百

官朝於中興殿

八月庚辰百官朝於中興殿癸巳帝御文明殿視朝

九月庚戌帝御文明殿視朝庚申百官朝於中興殿癸亥帝御

文明殿視朝丙子百官朝於中興殿

十月己卯朔帝御文明殿視朝乙酉帝甲午車駕在汴御崇光



殿視朝

十一月戊申朔帝御崇元殿視朝壬戌帝御崇元殿視朝壬辰日南至百官詣閣門拜表稱賀

十二月戊寅朔帝御崇元殿視朝戊子百官朝於玄德殿壬辰帝御崇元殿視朝

三月正月戊申朔帝御崇元殿受朝賀禮樂仗衛如常儀甲子帝御崇元殿視朝

三年正月戊申朔元殿視朝丁酉百官朝於玄德殿

三月丁未朔帝御崇元殿視朝

四月丁丑帝御崇元殿視朝

五月乙丑朔帝御崇元殿視朝己未帝御崇元殿視朝

六月甲戌朔帝御崇元殿視朝戊子帝御崇元殿視朝

七月甲辰朔帝御崇元殿視朝

八月癸酉朔帝御崇元殿視朝

閏八月癸卯朔帝御崇元殿視朝

九月甲戌帝御崇元殿視朝

十月壬寅朔帝御崇元殿視朝丁巳帝御崇元殿視朝壬戌中

書奏按貞元四年中書侍郎李泌奏冬至日受朝賀請准元日

從之

十一月癸酉冬至日帝御崇元殿受朝賀仗衛如常儀是月中舍人劉贊奏

准例應諸道節度使及兩班大寮凡對朝送例合通喚近日全

廉此儀伏乞特詔所司重定向來格品若合通喚惟舊施行尋

准四方館狀稱旧例節度使新除中謝及罷任赴闕朝見合得

通喚文班三品以上武官二品已上官新除中謝及使回朝見  
合得通喚從之 丙戌帝御崇元殿視朝  
十二月丙午帝御崇元殿視朝癸巳中書以常朝宜奉勅不坐



兩省官於東西班並拜宰臣不拜或聞班行所論承前日有廊食百官謝食兩省即各有常厨從來不拜或云以侍臣不拜檢尋故實不見明規百寮拜為廊食即承旨合宜有勅賜食供奉官不拜亦恐非儀且左右前後之臣日面天顏豈可不拜况庶官見宰臣隔宿並拜實以赴朝不拜非礼也聞勅不拜亦非礼也所宜尽敬以奉君親臣等商量今後常朝宰臣亦拜通事舍人亦拜閣外放伏亦拜從之壬戌帝御崇元殿視朝

四年正月壬申朔帝御崇元殿受朝賀仗衛如常儀

二月壬寅帝御崇元殿視朝

是月庚午車駕還洛

三月乙酉帝御文明殿視朝

四月中書門下奏五月一日入閣起居准貞元七年四月二十八日勅昔者聖賢觀象因天地交會之次為父子相見之儀沿習

成風古今不易王者制事在於因人酌其情而使中順其俗以為礼咸覲之儀既行父子之間資事之情豈隔君臣之際自今後每年五月一日御宣政殿與文武百寮相見京官九品已上外官因朝奏在京者並聽就列宜令所司量定義注頒示天下仍編札式求着常規者伏以本朝旧制近代不行方當開泰之期難曠會同之礼宜興墜典以耀明庭五日一日應在京九品以上官及諸進奉使並准貞元七年勅就位起居自此每年永為常式者奉勅宜依

五月己巳朔帝御文明殿視朝癸未帝御文明殿視朝

六月戊戌朔帝御文明殿視朝壬子帝御文明殿視朝

八月戊辰朔帝御文明殿視朝

八月戊辰帝御文明殿視朝辛亥以霖雨甚宜旨放入閣



九月戊辰帝御文明殿視朝辛巳帝御文明殿見百寮  
十月丙申朔帝御文明殿視朝

十一月丙寅朔帝御文明殿視朝己卯日長至帝御文明殿受  
朝賀樂懸仗衛如常儀

十二月丙申朔帝御文明殿視朝

長興元年正月丙寅朔帝御明堂殿受朝賀樂懸仗衛如常儀  
二月乙未朔帝御文明殿視朝

是月郊祀畢丙辰勅宜放兩日朝參以百官行事之勞故也

四月甲午朔帝御文明殿視朝

五月甲子朔帝御文明殿視朝

七月壬戌朔帝御文明殿視朝庚寅詔諸州得替防禦團練使  
刺史並宜於班行比擬如未有真關可隨常叅官逐日立班新

例也

八月壬辰朔帝御文明殿視朝

十月辛卯朔帝御文明殿視朝

十一月甲申日長至帝御文明殿受朝賀樂懸仗衛如常儀

二年正月庚寅朔帝御明堂殿受朝賀如常儀

四月庚寅帝御文明殿視朝癸卯帝御文明殿視朝

五月戊午朔帝御文明殿視朝

閏五月戊子朔帝御文明殿視朝壬寅帝御文明殿視朝

六月乙巳朔帝御文明殿視朝

七月丙戌朔帝御文明殿視朝

八月丙辰朔帝御文明殿視朝庚午帝御文明殿視朝癸酉詔  
文武百官五日內殿起居仍舊其輪次對宜停若有封事許非



時工表朔望入閣待制候對一依旧制

九月己亥帝御文明殿視朝

十月乙卯朔帝御文明殿視朝

十一月甲申朔帝不視朝先是司天奏朔日合日食二分伏緣所蝕之分數微少天陽光影相爍不辨虧缺伏請十一月一日不入閣百官不守司故不視己丑日長至帝御文明殿百寮稱賀

十二月庚申左諫議大夫盧損上言前任節度刺史防禦等使請五日隨例起居並從之

三年正月癸未朔帝御明堂殿受朝賀札樂仗衛如式庚子帝御文明殿視朝

二月甲寅帝御文明殿視朝戊申帝御文明殿視朝

三月癸未朔帝御文明殿視朝群臣入門遇雨而罷乙酉勅文武兩班每遇入閣從班並賜酒食從前臺官及諸朝官皆在敷政門外兩廊下就食唯百省官於敷政門內既為隔門各不相見致行坐不齊難於整肅起今後每遇入閣賜食北省官亦宜令放敷政門外東廊設席以北為首待班齊一時就坐

四月甲寅朔帝御文明殿視朝

五月壬午朔帝御文明殿視朝

六月己未勅以霖雨經旬街衢泥濘文武兩班宜放今月八日朝參甲子朔勅放二日朝參大雨故也丙寅帝御文明殿視朝

八月庚戌朔帝御文明殿視朝

九月乙酉帝見群臣於端明殿

十一月己卯朔帝御文明殿視朝甲午日長至帝御文明殿百



寮稱賀

十二月戊申朔帝御文明殿視朝

四年正月戊寅朔帝御明堂殿百寮稱賀乙未帝見百寮於中興殿

五月丙子朔帝法服御文明殿百寮具朝服稱賀庚寅帝見百寮於文明殿

六月丙申朔帝御文明殿視朝丙寅帝見百寮於廣壽殿時帝不豫旬日至是稱平帝勤於聽政接臣下無倦

九月申戌朔帝御文明殿視朝

十月甲辰朔雨不視朝

十二月癸酉朔帝御文明殿視朝

閔帝長興四年十二月癸酉朔即位其月辛未御中興殿群臣

列位時馮道升階進酒帝曰比於此物無愛除實之友會不近構單况在沉痛之中安事飲斃命撤之

應順元年春正月壬申帝御廣壽殿視朝其月戊寅帝御明堂

殿伏衛如常儀宮懸作樂群臣朝服就位宣制大赦改元

閏正月癸卯帝御文明殿入閣

末帝清泰元年四月乙酉帝服袞冕御明堂殿文武百官朝服就

列改應順為清泰是月庚寅中書門下上言大臣常以五月朔御

明堂受朝三日夏至祀城皇祗前二日奏告獻祖室不坐比正

旦冬至是日有祀事則次日受朝令祀在位鼓前質明行礼畢

御殿在始旦後請比例行之詔曰日出御殿與祀事無防宜依

常年例

五月庚子朔御文明殿受朝

六月辛卯御史中丞張鵬奏文帝常參官入閣日廊下設食每



宣放仗拜後就食相承以為謝食拜臣以每日常朝宣不坐後拜退豈謝食之謂乎如臣所見自今宣放仗拜後且就次候將設食別降使於教政門外宣賜酒食群臣謝息後食從之

十月庚子大常言冬至不視朝百寮表賀是日大府設表案席褥禮部進表至閣門使出一員跪表受閣門使群具拜舞蹈拜訖表入久之閣門使出宣日履長之慶與卿等同之群臣復拜舞訖而退

十一月乙巳御史臺奏前任節防禦團練使等刺使行軍副使近儀五日一度內殿起居皆綴班序立元係班簿雖曰便殿起居其遇全班起居時亦合綴班從之

二年三月庚戌御文明殿群臣入閣刑法劇官可久待制官李慎儀次對

十二年戊寅大常言來年正月元日合御明堂受朝賀其日上祀昊天上帝于南郊以禮大祀不坐詔曰其祀事在質明前儀在仗日出後事不相妨宜依常年受朝

三年春正月辛卯始御文明殿陳樂懸仗衛受朝賀班退進名賀皇太后

三月庚子詔閣門陳內外官吏對見例應諸州差判官軍將貢奉到闕無例朝見以名御奏放門見賜酒食得回詔進榜子放門辭臣今後欲知令見朝餘依旧規應除諸道兩使判官推巡無例中謝奏過放謝放辭如得替歸京無例見臣欲今後除兩使判官許中謝門辭其書記已下除替請依旧規應文武朝官除受文五品武四品已上並中謝已下無例對謝以天成四年正月敕凡昇官朝新授並中謝欲以此例應諸道節度使差判



官將軍進奉到闕朝見候得回詔下榜子奏過令門辭應諸道都押牙馬步都虞候鎮將替到京無例見或在京授任無例謝進榜子放謝放辭應諸道商稅鹽麴諸色務官或在京差補亦放謝放辭得替歸京亦無見例在京京商稅鹽麴兩軍即許中謝應新除令錄並中謝欠日放門辭兼有口宣誠勵應文武兩班弔祭使及告廟祠祭只於正衙辭見不赴內殿諸道差進奏官到闕得見已後請倣得替進榜子放門辭已前六件望旧例從行之

晉高祖天福元年十一月御北京崇元殿改元

二年正月甲寅朔帝御文明殿受文武百寮朝賀

三月己未御史臺奏唐朝定令式南衙常參文武百寮每日賀退於廊下賜食謂之常食自唐末辭雜常食漸廢仍於入閣起

居日賜食每入閣禮畢閣門宣放仗群臣俱拜謂之謝食至偽主清泰元年中入閣禮畢更差中使至正衙門口宣賜食百寮立班重謝此則文失有唐常食之意於禮實為大煩臣恐因循漸失根本起今後入閣賜食望不差中使口宣請准唐明宗朝事例處分從之

四月丙午御史臺奏文武百武每五日一度內殿起居在京城時百官於朝堂募自次文明殿門入穿文明殿庭入東上閣門至天福殿序班令隨駕百官自到行朝每御起居日於募次東出昇龍門與諸色人排肩雜進自外繚繞方入門臣竊見昇龍門外庭宇不寬人徒大集或是諸司掌事或是諸道使臣方集貢輸不可止約若令與衣冠雜進朝事並趨則恐百懷天官見輕朝權時之義事理難安起今後每遇百官赴內殿起居日請依在



京事躰百官於募次自正衙門入東出橫門既協京國常儀兼在行朝便穩從之庚戌御史臺奏文武百寮每月朔望入門禮畢賜廊下食在京時祇於朝堂幕自兩廊下今在行朝於正衙門外權為幕次房廊湫隘間架絕少伏恐五月一朝會禮畢准例賜食即與幕次難為排比伏見唐明宗時兩省官於文明殿前廊下賜食今未審每遇入閣日權與正衙內兩廊下排比賜食為復別有處分者勅旨宜明宗時舊規五月壬子朔帝御崇元殿備大常樂受文武百官朝賀

六月甲午大妃將至行闕放文武朝一日

十一月中書奏准唐貞元二年九月五日勅文武充翰林李士及皇太皇諸王侍讀武官充禁軍職事並不常朝參其在三館等諸職事者並朝參訖各歸所務者自累朝以來文武在內庭

充職兼判三司或或帶職額及六軍判官等例不服常朝元無勅准近勅文武職事未昇朝者按旧制並赴朔望朝參其翰林學士侍講三館諸職事准元勅處分其諸在內庭諸司使等每授正官之時來赴正衙謝後不赴常朝大會不離禁廷位次三次職官免常朝唯赴大朝會其京司未昇朝官祇赴朔望朝參帶諸司職掌者不在此例文官除端明殿翰林李士樞密院李士中書省職知制詔外有兼官兼職者仍各發遣本司公事可之

三年正月戊申朔帝御崇元殿受賀仗衛如式

五月丁未朔帝御崇元殿奏太常樂受文武百三王後三格皇親蕃客等

十一月丙寅冬至帝御崇元殿受朝賀



四年正月癸卯朔帝御崇元殿受朝賀仗衛如式

五月壬寅朔帝受朝於崇元殿

七月壬寅朔帝御崇元殿百官入閣如常禮朔不入閣日蝕故也

閏七月庚子朔百官不入閣兩服也

十二月丁酉朔百官不閣大雪故也

五年正月丁卯朔帝御崇元殿受賀仗衛如式壬辰馮道奏曰宰臣朝見辭謝在朝堂橫街之南逮至餘官則悉於崇元門內夫表着之例豈可喻之故古光明王必正其位服此實事因偶爾習以為常又入閣禮畢之時群官退於門外定班如初候宣放仗唯翰林學士前任郡守等不隨百辟即時出此二者禮儀序失其使正之帝深然具言於是下詔曰爵官之班即分上下

見謝之位豈有異同<sub>宜</sub>恪通規以為定制今後宰臣使相朝見辭謝並於崇元門內與諸官重行異位一時列拜假開橫行即從旧例又入閣之儀序班為重宣喚則齊趨正殿放仗則各出門朝何起居之禮即同而進退之親及翰林學士及前任郡守等今後入閣退朝宜依百官班制

十一月冬至帝受朝於崇元殿王公上壽

六年春正月辛酉朔帝受朝於崇元殿

七月己未朔帝御崇元殿視朝

七年春正月丙辰朔帝不受朝賀用兵故也

五月己亥中書門下奏時屬炎蒸事宜簡省應五日百官起居即令押班宰臣一員押官百班及轉對官兩員封事付閣門使引進本官起居後隨百寮退不用別出謝恩其文武內外官寮



乞假寧親般家及婚葬病損並門見辭諸道進奉等不用殿前排列引進使引至殿前奏云某等進奉奏訖其進奉物便出其進奉專使朝見自班首一人致詞都附起居刺使州并行軍副使諸道馬步軍都揮指使已下差人到闕並門見門辭州縣官謝恩日甲頭一人都致詞不用逐人告官其供給官殿直等如是當直及合於殿前排立者即入起居如不當直排立者不用每日起居委宣徽院專切點檢常須整齊從之

少帝開運元年七月辛未朔帝御崇元殿八月癸卯倉部郎中知制誥陶穀奏內外臣寮正衙辭謝內則諸司小吏與宰相差肩外則屬郡末寮共元戎接武欲望宰臣使相依旧押班其郡收藩侯臺少監長吏等不得令部內本司卑冗官真同班辭謝勅從其奏

十一月乙亥吏部侍郎張昭遠奏文武常參官每日於正衙立班閤門使宣不坐後百寮俱拜舊制唯押班宰相押樓御史通事舍人各緣提舉贊揚所以不遂庶官俱拜自唐大成未議者不悉朝儀遽旧遺典遂今押班之職一例拆腰此則深忽禮文殊乖故實且宰相居庶寮之首御史持百職之綱嚴肅禁庭糾班列慮於拜揖之際或爽進退之宜於是疑立靜觀檢其去就若令旅拜旅揖實恐非宜况事要酌中恭湏近禮人臣愛主不在於斯其通事舍職司贊導此者兩班進退皆相其儀今則在文班武班之前居一品二品之上端藉齊拜禮實未聞其押班宰相押樓御史通事舍人並請依天成三年已前禮例施行無至差忒殿侍御史賈玄珪奏是非既異沿革不同奉之則雖有旧規考之則全無故實且夫酌人心而制禮依神道而設教



此乃經國之大端也况通事舍人居贊導之職押樓御史當糾察之司一則示於紀綱一則防於謬悞所以靜進退詳視等第威實非梳札於慶所謂各其局俾令不拜雅合其宜伏以宰相押班率千官而設拜起居內殿統辟百以致詞儀形文武之班表式鵷鷺之列不得比贊導之職詎可同糾察之司統冠群寮所宜列拜臣位居憲府迹厠同班言或庶其得中罪難逃於多上帝從之

二年春正月戊戌朔帝不受朝帝不受朝賀不豫故也

六月乙丑朔帝御崇元殿百官入閣

漢高祖乾祐元年正月辛亥朔帝不受朝賀

二年五月壬申中書舍人艾穎上言近一月兩度入閣五日一度起居近年以來入閣多廢每遇朔望不面夫顏臣請今後朔

望入閣即從常禮如不入閣即請朔望起居冀面聖顏以伸誠

敬史臣曰天子居再春服內雖終易月之制而猶晏不舉樂朔不視朝近古禮也艾穎請朔望相見於初非且

周太祖廣順元年四月壬辰朔御廣政殿群臣起居十月壬寅

雪尺餘放朝

二年五月丙辰朔帝御崇元殿受朝伏衛如儀

十一月癸丑朔入閣乙卯日南至帝御崇元殿群臣服朝服稱

贊退班於承福殿庭上壽群臣酒三爵而罷

三年正月壬子朔帝御崇元殿群臣朝賀樂懸仗衛如常儀班退太祖御承福殿宰臣百寮稱觴獻壽舉教坊樂旋幸大平宮

起居漢太后

五月乙卯朔帝服袞冕御崇元殿受群臣朝服班於位倍位官

樂懸仗衛如儀



十一月乙酉日南至帝不受朝賀群臣閣門拜表班退賜茶酒  
世宗顯德元年八月壬寅朔帝御崇元殿文武百寮入閣伏衛  
如儀

十一月辛未朔御崇元殿文武百寮入閣伏衛如儀庚寅日南  
至帝不御殿文武百寮諸閣拜表稱賀

二年春正月辛未朔帝不御宰臣率百官拜表稱賀

四月己亥帝御崇元殿文武百官入閣伏衛如儀

八月丁酉朔帝御崇元殿百官入閣如儀

三年春正月乙未朔帝不御殿文武百官詣閣進名稱賀

六月壬戌朔帝御崇元殿文武百官入閣伏衛如儀

十一月庚子日南至帝不御殿以宣懿皇后之喪在近故也宰  
臣率百官詣門拜表稱賀

四年正月己丑朔帝御崇元殿受朝賀禮畢御廣政殿群官  
上壽並如常儀

二月辛酉詔曰文武百寮起今後每遇入閣日宜節食此有  
唐之旧制也自晋氏多故寢而不行上以寵待庭臣故復有是  
命

五月丁亥朔帝御崇元殿視朝大常樂懸金吾仗衛如儀

八月乙卯朔帝御崇元殿文武百官入閣如儀既罷賜百官廊  
食時帝御廣御殿西樓以觀焉命中黃門閱視酒饌無不興春  
五年春正月癸未朔帝在楚州西北衣戎服御帳殿受宰臣  
已下稱賀

五月辛巳朔帝御崇元殿金吾仗衛大常樂如儀

十一月辛亥日南至帝御崇元殿受朝賀金吾仗衛大常樂懸



如儀禮畢宰臣率百寮常服詣永德殿上壽而退  
六年春正月丁未朔帝御崇元殿受朝賀今吾仗衛大常樂  
懸如儀

新刊監本冊府元龜卷之一百七

卷之一百七  
一百八

新刊監本冊府元龜卷之一百九

帝王部一百九

宴享

傳曰享以訓恭儉晏以示慈惠恭儉以行礼慈惠以布政故享  
有體薦晏有拊俎王室之禮也夏啓鈞臺之會周文在鎬之飲  
皆記諸冊書而形於雅頌後世或諸侯歸時事於宰旅四夷奉  
國珍於外府序賓以昭德班勞以榮勳習射以講禮特巡而展  
義或節故里臨饗父老或周覽都畿飫賜官屬至於五兵銷偃  
品物茂遂時乃置高會令飲成禮奉觴上壽加以贈賄上賜之  
以景福下報之以尽心此王者之盛典也易著需雲之象書  
記棗飫之篇詩曰公尸燕飲福祿來為皆宴衍之謂矣  
周文王燕群臣嘉賓既以飲食之又實幣帛稍篚以將其厚意



故有鹿鳴之詩

武王於鎬樂八音之樂與群臣飲酒故魚藻之詩曰王在在鎬

豈樂飲酒豈以樂也

平王時魏公晉侯朝王王饗禮命之宥王之觀群始則行饗禮光置體酒示不忘古

欽晏則命以備物宥助也所以助飲敬之意皆賜玉五穀馬三疋非禮也王命諸侯名位不同禮亦異

數不以禮假人

襄王時晉侯朝王王享艷命之宥

定王時晉侯使士會平王室享之原襄公禮原襄公禮周大夫相佐也

殺蒸蒸非也非殺於姐武子私問其故有當禮薦而殺薦而怪王聞之

右武子曰季氏而弗聞乎王享有體薦亨則半解其體而晏有薦之所以示其儉

折俎體解節而升之於俎物皆可食所以示慈惠也公有亨卿當宴王室之禮也謂

武子歸而講求典禮以脩晉國之法言典禮謂禮之廢久也

景王時晉荀躒如周葬穆后籍談為介既葬除葬以文伯宴樽

以魯壺文伯荀樂也魯壺文叔敵壺樽也

漢高祖四年十一月帝自成臯西入關至櫟陽存問父老置酒

留四日復入軍

五年五月兵皆罷歸帝置酒雒陽南宮

六年三月帝置酒封雍廕因趣丞相定功行封

七年十月長樂宮成群臣朝禮畢盡仗置法酒法酒言禮樂以飲之不至醉

尊卑起上壽九行觴謁者言罷酒御史格法舉不如儀輒引

去境置酒無敢誼譁失礼者

九年十月置酒前殿帝奉玉卮為大上皇壽曰如大人常以臣

亡賴不能治產業不如仲力今某之業所就孰與仲多殿上群臣皆稱萬歲大笑為樂



十二年十月帝破黠布軍還遇沛留置酒沛公詔故人父老子弟佐酒斝沛中見得百二十八歌酒酣帝擊節自歌曰大風起兮雲飛揚威加海內兮歸故鄉安得猛士兮守四方令兒皆和習之帝乃起舞慷慨傷懷泣數行下謂沛父兄曰游子非故鄉沛父老諸母故人曰樂飲言日也極歡道舊改為笑樂十餘日帝欲去沛中空縣皆之邑西獻帝留止張飲三日

武帝大始三年四月行幸井泉宮饗外國客

五月還幸建章宮大置酒赦天下

昭帝元鳳二年四月自建章徙未央宮大置酒

元帝建昭四年正月以誅郅支單于告祠郊廟赦天下群臣上壽置酒以圖書示後宮貴人計郅支圖書也

後漢光武建武三年十月幸春陵因置酒旧宅大會故人父老

六年二月大司馬吳漢援胸獲董憲龐崩山東悉平諸將還京師置酒賞賜

十三年四月大司馬吳漢平公孫述自蜀還京師於是大饗將

士班勞策勲

班布也謂徧布勞來之表音力到切下同

十七年十月章章陵祠旧宅觀田廬置作樂賞賜特宗室諸母因酣悅相與語曰文叔少時謹信與人不欺曲唯直柔耳帝聞之大笑曰吾理天下亦欲以柔道行

十九年九月南巡守幸汝南南頓縣舍置酒會賜吏人

二十五年春四夷朝賀絡繹而至帝命大會勞亭賜以珍寶明帝永平二月十月西巡狩幸長安有事於十一陵曆覽館

會郡縣吏勞賜作樂

三年十月從太后幸章陵觀舊廬置酒會陰鄧故人諸家子



孫並受賞賜

十年閏四月幸南陽祠旧宅礼召校官弟子作雅樂奏鹿鳴

帝自御埴苑和之以娛嘉賓還幸南頓勞来享三老属

章帝建初七年九月幸鄴勞享魏郡守令已以至於三老門闌走

卒錢各有差

十月西巡狩幸長安進幸魏里又幸長平東至高陵而還每所到

幸輒會郡縣吏人勞賜作樂

元和二年二月幸泰山未祭告岱宗遂親東后享賜王侯群臣和

帝永元十四年三月戊辰臨辟雍享赦大赦天下

十五年十月戊辰幸章陵癸丑幸宗室於舊廬勞賜作樂

安帝延光三年辛卯幸泰山祭告岱癸巳勞賜群縣作樂

十月幸長安丁亥會三輔守令掾史於長安作樂

順帝陽嘉元年三月庚寅臨辟雍享射

永和二年十月丙午幸未陽宮幸三輔郡縣都尉及官属勞賜

作樂

漢安二年六月遣行中郎將持節護送南單於守義王雙樓儲

歸南庭單于先詔大常大鴻臚與諸國侍子於廣陽城門外廣

洛陽城西門祖會享賜作樂角抵百戲角抵之戲則魚龍爵馬

而為抵對今文帝幸胡桃宮臨觀之之属言兩兩相當以角

栢帝延熹元年五月己酉大會公卿以下賞賜各有差

魏文帝初為魏王延康元年六月南征七月甲午軍次于譙夫

饗六軍及譙父老百姓于邑東設伎樂百姓令曰先王昔樂其

所生礼不忘其本譙霸王之邦貞人本出其譙租税三十三老

吏民上壽日夕而罷



明帝青龍二年八月辛壽春已大曜兵饗六軍

高貴鄉公甘露元年丙辰晏群臣御大極東堂

後魏道登武國七年正月辛木根山逐次黑鹽池饗群臣親諸

國貢使比之美水

三月甲子宴群臣於水濱

八年七月車駕臨幸新壇庚寅宴群臣講武

始皇二年正月己亥朔車駕魯昌城大饗群臣

明元永興四年四月乙未群臣於西宮使各獻直言

五年十一月癸酉饗於西宮

神瑞二年二月丁亥大饗於西宮

泰常五年正月庚戌朔自薛林東還至於屋竇城饗勞將士

七年二月丙戌車駕自雲中還大饗於西宮

大武始元二年九月丁卯以永安安樂二殿成大饗以洛之

大平真君五年二月庚辰行幸廬三月戊子大會於南

十年正月戊辰朔車駕在漢南代蠕大享百寮

文成大安四年正月庚午於遼西黃山宮將晏教日親對高年

勞問疾苦

二月丙子登碣石山觀海滄大饗群臣於山上班賞進爵各有

卷

九月辛亥大華成殿丙寅饗群臣大赦天下

孝文大和元年十月癸酉宴京邑耆老年七十以上於大華殿

賜以衣服

九年正月癸未享饗群臣於大華殿

十六年正月戊子朔享群臣於大華殿帝始為王公興興起也懸



而不樂以翌日祀獻文明於堂也

二月詔罷寒食享

特懷大極殿經始

十月庚戌大極殿成大享群臣

十七年正月壬子朔帝享百寮於大極殿

十八年五月詔罷五月五日七月七日享

十九年正月辛未朔車駕在懸瓠

特帝南伐

朝享群臣於方丈竹堂

樂作酒酣乃歌曰白日光天兮無不耀江左一隅獨未照鼓城

王總續歌曰願後聖明兮登衡會萬馳誠混日外長兼給事黃

門侍郎鄭懿歌曰雲雷大振兮天門闕率土未賓一正曆中書

侍郎兼黃門侍郎刑曹歌曰舜舞干羽天下歸文德遠被莫不

思秘書丞兼中書侍郎鄭道昭歌曰皇風一鼓九地而戴日依

天清六合帝又歌曰遵彼汝墳兮昔化貞未若今日道風明黃

門侍郎兼司徒左長史宋葉歌曰文王政教兮暉江沿寧如大

化光四表帝謂道昭曰自比遷務雖猥與諸才雋不廢詠歌

遂命刑曹摠集釵記

八月甲子引群臣曆宣殿堂初帝嘗詔四廟之子下逮玄孫之

胃申宗宴於皇信堂不以爵職為列悉序昭穆為次用家人之

禮後又引見王公侍臣於清徽堂謂曰此堂成未與王公行

晏樂之禮後東閣廡堂粗復始就故今與諸賢欲無高而不升

無小而不入因之流化渠帝曰此曲水者亦有其義取乾道曲

成萬物無滯也次之取頌也帝曰此池中亦有佳魚城王登

曰此謂魚在在有頌其首帝曰具取王在靈沼於物魚躍也

次之觀之德殿帝曰射以觀德故遂命之次之疑問堂帝曰名

息要有義此蓋取天子閑居義不可縱奢以忘儉自安以忘危

故此堂後作茅茨堂謂僕射李仲曰此東曰步元廡西曰遊凱



庶此堂雖無唐堯之君卿等當無愧於元凱冲對曰臣既遭唐舜之君不敢辭元凱之譽帝光景垂落朕同宗則有載考之義卿等將出無遠何得默爾德音即命黃門郎崔光郭祚通直郎刑出崔休等賦詩言志燭至公卿辭退李再拜上千萬歲壽帝曰卿向以燭致辭復獻於千萬之壽朕報卿以南山之詩帝曰燭至辭退庶姓之礼在夜載考宗族之儀卿等且還朕與諸王宗室歆成此夜飲

二十三年正月戊寅朔群臣以帝疾瘳上壽大享於澄鸞殿宣武景明三年十二月壬寅享群臣於大極前殿各賜布帛有差

孝並永安二年七月爾朱兆破元顥帝還京師乙亥晏勞天柱大將軍爾朱榮上黨王天穆及北來督將於都亭出宮人三百

繒錦雜絲數萬疋頒賜有差

前廢帝晉泰元年四月癸卯幸葉林都亭燕射班賜有差大樂奏伎有倡優為愚癡者帝以非雅戲詔罷之

出帝大昌元年五月乙巳幸葉林都亭晏賜群臣班賜有差

八月壬戌朔齊仗襄王來朝讌射班賚部下有差

九月庚子帝幸葉林都亭引見元樹及公卿百寮蕃使督將等射班賚各有差

永熙二年正月庚寅朔朝享群臣大極前殿

八月乙丑齊文襄王來朝帝晏於葉林都亭班賚部下各有差西魏帝大統八年十二月狩於華陰大享將士

後周明帝武成二年正月癸丑朔大會群臣於紫極殿始用百三月辛酉重陽閣成會群臣列將大夫及突厥使者於芳林園



賜錢帛各有差

武帝保定元年正月丙子大射於正武殿賜百官各有差

二年十月辛亥御大殿大射諸卿列將皆會

天和元年正月辛巳露寢成考之令群臣賦古詩京邑耆老並預會為頌賜各有差

三年三月丁未大會百寮及四方賓客於露寢賜衣馬錢帛各有差

建德三年正月丙子停二十四軍督將以下誠以軍之法法縱酒盡歡

六年二月平齊論定諸軍勲置酒於齊大極殿會軍士以上班賜各有差

四月大會群臣及諸蕃客於露寢

隋高開祖皇三年二月庚申晏百寮班賜各有差壬申晏比道勲人

四年正月甲戌大射於北園十日而罷

四月丁未晏突厥高麗吐谷渾使者於大興殿

七年二月壬申幸醴泉宮召兵部尚書常師於左僕射高穎上

柱國韓擒虎於卧内賜晏令客叙舊事以為笑樂

十月癸亥幸蒲州丙寅晏父老帝極歡曰此間人物衣服鮮麗容止閑雅良田仕官之鄉陶染成俗也

八年九月癸丑晏南征諸將頌賜各有差

十二年十一月壬午晏百寮頌賜各有差甲子賜百寮大射於

武德殿

十三年二月戊子晏考使於嘉則殿

考使謂充使考較也



十七年五月庚申宴百寮於玉女泉頒賜各有差  
十九年正月戊寅大射於武德殿宴賜百官

煬帝大業三年六月北巡守至榆林郡丁酉啓民可汗來朝甲辰御百樓觀漁於河北宴百寮

七月辛亥啓民可汗上表請變服襲冠帶甲辰於郡城東御大帳其備儀衛建旌旗宴啓民及其部落三千五百人奏百戲之樂賜啓民及其部落有各差

八月乙酉幸啓民帳宴賜極厚

九月己未次濟源幸御史大夫張衡宅宴享極厚

四年正月庚戌百寮大射於充武殿

五年二月戊申自東都還京丙辰宴耆旧四百人於武德殿頒賜各有差

三月西巡五月甲申宴群臣於金山之上

六月丙辰御觀風行殿盛臣文物奏九部樂設魚龍曼延晏高昌王翹伯雅及伊吾吐屯設於殿上特二王以寵異之其蠻夷

陪列者三十餘國

六年三月幸江都宮四月丁未宴江淮已酉父老賜頒各有差

七年二月己未升釣臺臨楊子津大宴百寮頒賜各有差

十一年正月甲午朔大宴百寮乙卯大會蠻夷設魚龍曼延之

樂頒賜各有差

唐高祖武元年五月戊辰宴群臣賜帛各有差

八月庚子宴設三品以上賜雜綵各有差

十月晏突厥使者奏九部樂於庭引骨咄祿特勤升御坐以寵之十月己酉秦王降薛仁果秦王太宗也帝聞大悅因置酒高會奏



九部樂賜群臣錢各有差癸亥秦王凱旋獻俘帝置酒晏師及骨咄祿特勤於玄武門賜布帛各有差戊辰晏群臣

十二月庚寅晏突厥骨咄祿特勤等於殿內

二年二月癸巳晏群臣臨奏九部樂賜錢各有差極歡而罷

閏二月甲辰考群臣以李綱孫伏伽為上第置酒高會奏九部樂於庭帝謂裴寂曰隨末無道上下相蒙王則驕矜臣唯諂佞上不聞過下不尽忠至於使社稷傾危身死匹夫之手朕撥亂反正念在安民平亂任武臣官方委文吏庶得各展器能以救不逮比每靈心接待冀聞黨言然唯李綱若盡忠款孫伏伽可謂誠直餘人猶踵弊風俛首而已豈朕所望哉當以身為嬰兒方朕為慈父有懷必尽有意必申也因命捨君臣之敬帝頻舉觴以屬公卿群臣迭上壽極歡而罷賜帛各有差

四月甲辰遣大理卿郎楚之安撫山東夏候端安撫淮左奏九部樂設宴而遣之

五月戊辰晏并州從官五品以上於仁壽宮極歡賜帛各有差

丙寅奏九部樂於庭晏梁州使人官賞各有差

謂與官及賞物也

三年正月甲午宴突厥奏九部樂於庭賜絲有差

四月壬戌秦王平并州悉復故地帝大悅置酒含章殿晏群臣極歡遣入御府賜繒絲皆盡重而出

五月庚午宴突厥使奏九部樂於庭賜綿各有差辛卯秦王平并州凱旋獻捷於大廟帝置酒高會極歡而罷

六月丁酉晏東征官寮奏九部樂帝親舉酒以屬百官極歡而罷己酉大會東征將士奏九部樂於庭癸丑幸昆明池晏從官賜錢各有差



七月戊辰晏群臣

八月庚戌晏群臣奏九部樂於庭賜布帛有差

四年三月丁酉晏西突厥使奏九部於庭賜布帛各有差

五月癸亥晏五品以上奏九部樂於庭丁丑以王世充平晏群

臣賜帛有差

七月戊辰晏群臣奏九部樂於庭帝舉酒屬百官極歡乃罷賜錢各有差

九月癸亥賜五品以上射於武德殿賞金銀綾綺各有差

五年正月辛丑賜群臣大射於玄武門賞綵帛各有差壬子幸

昆明池晏從官賜帛各有差

三月己酉晏群臣及京城父老賜帛各有差

七月乙酉秦王平王世充班師丙戌晏旋師帛各有差

六年三月己丑晏五品以上於昭德殿賜帛各有差

九月丙子晏五品以上於苑內謂公卿昔漢高定天下以蕭曹

張陳為良佐任以政事朕應天命克平區宇伏任卿等自謂不

謝古人因舉酒以屬群臣極歡而罷

十月甲辰以有年晏群臣賜物各有差

七年二月晏突厥使者奏九部樂於庭

三月乙卯幸琅邪公主帝晏從官五品以上賞帛各有差

四月癸卯晏群臣奏九部樂賜帛各有差丙午晏王公親屬於

文明殿帝見長平王大妃以屬從家人禮降階再拜酒小闌移

坐翠華殿帝賦詩公主迺上壽賜帛各有差

六月戊戌右武侯大軍將立和以交州受領來朝奏九部樂以

晏之賚物各有差



七月壬子幸東宮從官下至百晉徒頒賜有差

八年正月甲寅幸秦王第謂群臣曰朕以秦王有大功故於宮

中立第以異之後是晏五品以上設奇伎百戲賜帛各有差

二月甲午幸齊王元吉第宴五品以上賚賜各有差

三月丁酉晏群臣於玄武門陳倡優爛熳之伎

四月丁酉赤雀巢於殿門晏五品以上上頌者十餘人極歡布

罷已丑晏西蕃突厥林邑使者奏九部樂於庭

五月乙巳晏五品以上及外戚於內殿賦詩賜綵極歡而罷

十二月辛巳車駕狩鳴犢泉迴晏從官賚物綵帛各有差

九年三月丙申晏朝集使於百福殿奏九部樂於庭

五月乙卯晏群臣

六月癸亥以秦王為皇太子晏群臣賜帛各有差

七月傳位於太子帝稱大上皇後四年乃徙居大安宮大上皇親

侍輿輦百寮陪從太上皇悅甚置酒高會極歡而罷賜物各有

差大上皇後與公卿謂大上皇戢武殿復置酒為歡謂群臣曰天

下無事四海義安非吾付囑得所吾兒孝順安能至此乎明日

復召貴臣十餘人爰及妃主置酒於陵煙閣酒酣大上皇親彈

琵琶大上皇起舞公卿上壽乙夜方散賜帛各有差

大上皇以武德八年九月甲子即甲戌晏群臣於顯德前殿賜帛

各有差

貞觀元年十月癸未晏群臣賜物有差

二年五月丙辰以夏麥大稔晏群臣奏九部樂於庭賜物有差

九月壬子晏群臣奏九部樂賜物各有差賜天下大酺三日慶

有年也



十一月甲子晏群臣賜帛各有差

二年正月甲子晏羣臣奏九部樂歌大平舞師子於庭賜帛有差三月甲子賜群臣大射於玄德門

十一月戊辰晏五品已上於內殿帝謂群臣曰李靖奮忠勇長驅深入顏利奔竄天下無事豈不樂哉於是極歡而罷戊子晏突利可汗及群臣於殿庭賜帛各有差

四年二月己酉晏三品以上於中華殿

十二月乙未晏突利可汗及三品已上於中華殿帝賦七音詩極歡而罷賜雜絲各有差

三月戊辰晏三品已上於林光殿賜物各有差

七月壬辰宴群臣於芳華殿奏九部樂於庭帝大悅親舉酒以屬群臣群臣奉觴稱慶極歡而罷賜帛各有差

十月幸隴州丁巳次武功宴從官及武功父老賜帛各有差

十二月乙未皇子誕育宴五品以上於林華殿賜帛各有差

五年正月癸酉大蒐於昆明池甲戌宴群臣奏九部樂歌大平無師子賜從官帛各有差己卯大上皇詔帝於近臣十許人汎舟於後園絲竹遞奏至於大安宮置酒甚歡子夜而罷

三月癸亥賜文武五品以上射於武德殿

四月甲辰宴群臣賜帛各有差

九月乙丑賜群臣大射於武德殿

十一月己卯宴群臣賜帛各有差

六年正月甲戌宴蠻夷及三品以上於賜物各有差

二月丙辰賜群臣大射於武德殿戊辰幸九成宮戊寅宴三品以上於丹青殿則從官帛各有差



七月辛未宴三品以上於丹霄殿帝從容曰中夏乂安四夷賓服此公鄉盡忠之效也朕實嘉之然隋陽帝之威加中國頡利跨有比皇葉護國富北精雄據西城此三君者可謂引盛矣失道怙亂奄致亡滅朕自覩其事何能不戒懼也公等輔導朕射續已成矣當思長世之策以相教勉於是賜各有差

閏八月乙卯宴群臣於丹霄殿樓帝甚觀夜分乃散各賜錢帛有差

九月帝在九成宮丙申以皇太子來朝宴東宮官屬賜帛各有差乙巳宴岐州父老賜帛各有差己酉至慶善宮宴三品以上於渭水之濱帝甚惟賦五言詩庚戌宴從官故老賜帛各有差七年正月癸晏三品以及州牧妻夷長首於玄武門帝謂侍臣曰四海和平天下同樂自古帝王罕得大上皇萬福膝下之歡

有倍常慶於是奏九功九德之舞觀者覩其柳揚蹈屬莫不扼腕踴躍惕然震悚武臣列將咸上壽云此舞皆是陛下百戰百勝之形容群臣咸稱萬壽妻夷十餘種自請率舞許之久而乃罷賜帛各有差

八年二月戊辰宴群臣賜帛各有差

九年正月甲申皇太子承乾納妃蘇氏宴群臣賜帛各有差

十一年正月壬辰宴五品以上於兩儀殿賜帛各有差

戊申帝將幸洛陽宴長安父老於武玄門賜以穀帛

三月戊子帝洛陽在引五品以上射於儀殿

丙申宴群臣賜各有差

庚子宴三品以上於西苑帝御龍舟汎於積翠池

癸卯宴洛父老於乾元殿賜以粟帛



十月辛酉幸積翠池宴五品以上帝曰今茲年穀大登水潦作能為害天下既安邊方靜息因此農隙與公等舉酒酒既酣各宜賦一事帝賦尚書特進魏證賦西宮

十一月庚戌宴五品以上及蕃夷於貞觀奏九部樂樂賜帛各有差

十二年二月壬子宴洛陽父老賜帛各有差

三月丙子以皇孫誕育宴五品以上於東宮

十三年正月庚戌會群臣奏功成慶善及破陣之樂

十四年正月己酉宴群臣及吐谷渾王河源王慕容諾曷鉢於玄武門奏倡優百戲之樂賜物各有差

九月乙巳宴京官五品以上於兩儀殿奏九部之樂

十五年二月癸丑宴從官及山東宗姓洛陽高年於貞觀殿奏

九部樂賜各有差

十六年三月戊午賜百寮大射於觀德殿

十一月庚子宴諸蕃使於兩儀帝謂沙鉢羅侯斤曰延施本一部落侯斤本我所立始十餘年自算何如頡利之衆而侵我邊疆我總發甲騎傾其部落爾欲與我為寃不過欲賞我邊境十年五馬耳今見爾遣使謝罪捨爾前過情好如初晏賜帛各有差

十一月甲子幸慶善宮召武官之帥城立節三時豐義四鄉士女七十以上及居宮側數百人賜帛帝謂之曰朕幼遭隨亂擲風沐雨飢不遑食以救蒼生百姓得無死亡二十餘年矣今重還旧鄉與父老相見此宮先皇所居朕之生處至此傷心觸物增感因泣下霑襟群臣莫不敬戲又曰今召父老言晏女自寃



裕耳又從臣曰人或時覽物不能自知朕昔在隋朝五品初不可望公等其時多有未仕朕今君臨四海公等並居高列君臣相遇千載一時朕與諸公豈各自知也遂縱酒盡觀其父老中或宿經後事或曰媪蒼頭皆躡蹈歡酒爭前上壽或因言屈滯者帝咸理之晏畢賜帛各有差其無官者並加沒級乙亥以輿駕還宮宴百寮奏九部樂先是伐高昌收其工付大常增九部樂為十部

十七年六月甲午并州父老百餘人詣闕奏稱陛肇開帝業發跡大原皇太子疏爵進藩作牧并部臣等不勝慶幸今來奉賀帝賜晏及物以遣之  
閏六月庚申薛延陀河汗子突利設獻饌帝於相思殿大享百寮盛陳寶奏慶善破陣樂并十倍之樂及幢末跳丸舞劍之

杖突利設再拜上千萬歲壽賜帛金各有差

十一月甲辰誕皇太子皇大孫晏官寮引教殿帝幸東宮自殿北門而入太子自授階下舞蹈稱萬歲帝謂宮臣曰傾來生業稍可非乏酒食而唐突公等宴會者朕甲館之慶故就公為樂耳咸稱萬歲酒酣帝起舞群臣並舞樂極而罷賜物各有差  
十八年正月丙戌宴諸蕃使於玄武門賜物以遣之

二月辛酉召三品以上賜宴於玄武門帝既工頽書又好詭曰於王衛之間別更立意

王義之衛夫之

遂觸類增長精絕倫每有款奇

群臣無不下拜啓請是日帝操作飛白書群臣乘酒就帝手中相競散騎常侍劉洎登御床引手然後得之其不得咸稱洎登御床罪當死請引付法帝笑而言曰昔有媿好辭輦今見常侍登床



五月甲戌召司徒長孫無忌以下十餘於丹霄殿賜宴各賜膜  
皮右衛大將軍薛徹萬預焉帝意在賜萬徹而呼其兄萬均愴  
然不樂曰萬均朕之勲舊不幸早亡朕不覺呼名豈其魂灵歎  
朕之賜也因令取皮乎萬均以同賜而焚之於前侍坐者無不  
歎感

十月癸卯晏雍州父老千一百人於上林苑帝謂之曰朕剪除  
喪辭海內又安百姓復業各循其理而遼東數城中國舊地莫  
離伎狼子野心雪殺其主朕欲存其國而吊其人所以將幸洛  
陽事經略安復三韓之地一二年方還故召父老別耳子孫從  
行者朕躬自巡撫勿以為憲賜百姓以上氈皮袍各一疋帛十  
四粟十石九十以上物五段粟八石八十以上物三段粟二石  
十一月壬午宴洛州父老一百九十人於儀鸞班賜有差

十九年十月征遼還次營州戊申召本州刺史父老及契丹等  
蕃長首領宴會父老年七十以上契丹奚蕃長以下各班賜繒  
綿綾數千萬段

十一月癸酉帝至幽州幸城南大享軍士勞之日朕執賞罰之  
柄縣諸日月有功於國賞不踰時飲至之禮古今常事朕故編  
至酒釵咸宜樂飲甲從晏從官三品以上賜物各有差丙戌迴  
幸定州時太子監國處定州詔定州管内孝行著聞者宜與宗  
姓老人同宴會

十二月帝不豫步輦幸并州辛酉三品以上及中書門下四品  
以上帝疾瘳詣闕上禮詔引文武五品以上賜燕遣皇太子宣  
旨曰臣之於君義猶父子朕傾遭腫見公等憂惶今者疾除復  
見公等喜躍此之忠列簡在朕心不費上禮希膳豐潔固不可



獨進與公等同觀酒舉樂奏司徒長孫無忌以下更上千萬歲  
壽帝悉爲舉危奏破陣樂舞伎觀甲槿九劔數百人齊作帝樂  
飲臣下極歡將夕乃罷賜物各有差

二十年正月庚辰引從官及大原父老而宴之賜物各有差  
七月辛亥帝疾愈宴五品以上於飛霜殿絲逆奏群臣上壽歡  
極而罷賜綾錦各有差

十二月庚辰以鐵勒迴紇俟利發等詣闕見朝宴於芳蘭殿恩  
賜甚涯仍勅所司加禮供給每五日一會

二十一年正月鐵正月鐵迴紇部拔野古部同部司結部渾部  
斛薛部奚結部阿跋部契苾羽白雷部其渠師各率所部歸附  
及還帝御天成殿陳部十樂宴而遣之設高玷於殿前置銀瓶  
於殿上自左閣內潛流酒泉通於玷脚而涌殿前瓶中又置大

銀盆其實百斛傾瓶注於盆中鉄勒數千人不飲其半雜類驚  
駭私相謂曰天子賜我遭此瓶還部落中傾之豈不嘗是酒也  
又詔文武五品以上令外尉給酒裁於尚書都堂以餞之  
二十二年正月乙未奏十部樂會四夷君長於天成殿王公稱  
觴上壽各有差

二月丙寅朔朝集引使奏辭引五品以上升殿宴

四月乙亥西突厥賀魯以王師問罪龜滋固請前馳驥爲鄉道  
仍以數十騎馳來謁詔授昆丘道行軍總管宴之於嘉壽殿及  
文武三品畢景甚歡賜賀魯綾綵仍解所朕之衣以賜

十月己巳置立道軍將阿史那社爾擊龜茲破之帝聞之大悅  
宴五品以上於紫微殿從容謂群臣曰夫樂有所種至如土城  
竹馬遊戲阡陌之間此童幼之樂飾金翠曳羅綺此婦人之樂



賤糶貴出質迂有無此商賈之樂高官厚祿名昭顯此進仕之樂受服出征前無敵效此將帥之樂四海寧一六合無塵端拱巖廊社稷安固此帝王之樂也頃命將西征今已剋捷萬里清泰戰士咸得還家此朕為樂之時因賜群臣頃解極歡而罷二十三年二月癸巳特進新羅王金春秋國還令三品以上宴之優禮甚備

新刊監本冊府元龜卷第一百九

新刊監本冊府元龜卷第一百一十

帝王部 一百一十

宴享第二

唐高宗永徽三年二月甲辰宴三品於百福殿帝舉酒極歡賜以錦綵各有差

甲寅京城百姓以歲旱帝避正寢撤膳遂降甘露相率宴樂兼奏倡優百戲帝御安福門樓以觀之

五年四月癸巳宴文武群官及麟遊縣老人於玄武門賜物各有差

九月乙亥御丹霄樓臨觀三品以上行太射禮內子賜五品以上射帝升永光門樓以觀之

顯慶元年正月己卯宴文武群官及朝集使蕃客京城老人八



十以上賜物各有差

二年二月幸洛陽宮癸卯御貞觀殿宴後行文武官及洛州父老宗姓等賜物有差

五年二月幸并州丙戌會後官及諸親并州官屬父老等奏九部樂極歡而罷賜帛有差

十二月辛未校獵於長社之安樂川丙子召侍臣及蕃容夜讌帝詩以紀講習之事

龍朔元年九月勅中書門下五品以上諸司長官尚書省侍郎并諸親三等以上並謁沛王宅設宴禮奏九部樂畢賜綿雜絲各有差

麟德元年八月丙子帝自萬年宮還便幸舊宅丁丑宴群臣賜物有差

乾封元年正月戊辰朔有事於大山壬申禮畢御朝觀殿受朝賀癸酉帝謂群臣曰外中大禮不行未數千里近代帝王雖稱封禪其間事有不同或為求仙克禋或以巡遊望拜皆非崇祖業近在隋朝喪亂最甚老小填溝壑少莊染兵鋒高祖發自晉陽撥亂反正先朝躬擐甲冑贊成大業掃除氛祲廊清區宇遂得四海宅心萬方仰化朕丕承寶曆十有七年終日孜孜夙夜無怠屬國無事天下大平華夷乂安遠近輯睦所以躬親展禮褒贊先業情在歸功固非為已遂得上應天心下允人望今大禮既深以為慰公等休戚是同故應此慶欲與公等飲饌盡歡各宜在外更衣即未相見乃勅所司撤幄帳施御味三品以下并壇四品以下列坐壇縱設酒樂群臣及諸岳牧競來上壽起舞日宴方止



四月甲辰帝至京師先謁大廟是日御景雲閣宴群臣設九部樂頒賜絲各有差

總章元年十月癸丑文武官獻食賀破高麗帝御玄武門之觀德殿晏百官設九部樂極歡而罷賜帛各有差

咸亨元年十一月壬戌帝親於殿前宴京城父老有不能行者仍許子弟扶至殿庭宣勅謂之曰朕雖居九重之內常以萬姓為心而誠不動天遂使陰陽錯謬自從去歲閏中旱儉禾稼不收多有乏絕百姓不足責在朕躬每自思此深以為愧今洛下倉廩且復充實更為轉運於是難辛理有便且所以行也故召卿等為宴別耳仍節級賜物及黃袍等以遣

三年六月甲寅御冷泉亭子召許敬宗泉男生及東西臺三品舉酒作樂

四年七月庚午皇太子新宮成帝親送太子入宮五品以上及親並從宴會奏樂極歡而止賜物有差

上元元年九月辛亥百官俱新服上禮帝御麟德殿之景雲閣以宴群臣

儀鳳三年七月丁巳宴百寮及諸親于九成宮之咸亨殿帝謂霍王執執等曰去冬無雪今春少雨昨五月避暑此宮其雨屢降夏麥熟秋稼滋榮又得李敬玄表奏吐蕃已入龍支張處最牽領驍勇與其戰一日兩戰賊俱敗走奔越數百里虜獲極多又大史先奏七月朔太陽虧而日竟不食此是上天垂佑宗社降靈豈在虛薄所能致此又以男輪最小特所留愛此來與選新婦多不狃情近納劉延景女觀其極孝有行不失婦容復是私中一喜思與叔等同為此歡宜各尽情相歡樂酒飲酣帝



賦詩作栢梁體曰屏歆除奢政返淳皇太子曰叨恩監守戀晨昏霍王元軌曰王德無為同混元相王輪曰長歡膝下鎮承恩右僕射戴至德曰天皇萬福振長瓊黃門侍郎常曰策蹇叨榮青鎖門中書侍郎薛元超曰鵝池濫職奉王言自餘群臣以次繼昨日宴而罷賜絲物有差

調靈二年正月乙酉御洛城南門樓引諸王及三品以上并諸州都督刺史登樓賜晏大常奏新造六合還淳之舞日晏而罷四月癸酉九玄殿會文武百寮謂曰匈奴為患侵鎬及方名地方

自秦漢以來即有此弊我國家拓定四海尚虧事天之禮真觀之始猶自執迷所以命將出師頗有催殄遂使土分瓦解君臣面縛未忍殲殄許以自新五十年間俱稱臣妾自去冬已來急相扇動潛行何處遠事交結遂敢殺戮百姓侵損邊陲故遣裴

行儉等聊申簿伐軍威斲舉兵不血且應特破潰款伏軍門朕自聞已來情甚歡慰故廣召百官以申讌喜王公卿士想同茲慶中宗神龍元年四月壬子宴房州父老於洛城南門各賜勳級十五年己巳宴皇親及皇后內外諸親於武城殿賜物有差景龍二年十一月辛巳以安樂公主出享宴群臣于兩儀殿

十二月丙申宴堅昆使于兩儀殿

三年正月乙亥宴侍臣及近親於梨園亭

八月己巳幸安樂公主山池宴後官賜繒帛有差

四年正月乙丑宴吐蕃使于苑內毬場命駙馬尉楊慎交與吐蕃使打毬帝率侍臣觀之

四月丁亥帝遊櫻桃園引中書門下五品以上諸司長官學士等入芳林園置酒為樂乙未張樂於隆慶池泛舟戲象晏群臣



仍命賦詩

睿宗景雲二年正月乙卯宴吐蕃使賜物有差

九月丁酉宴吐蕃使於承慶殿

十一月戊子御承天門宴突厥可汗男楊我支持勒

大極元年正月乙未朔御安福宴突厥可汗男楊我支持勒

延和元年七月庚申御安福門宴群公卿士設太常九部樂帝

夜觀樂馬

玄宗先天元年八月己酉吐蕃遣使朝賀帝晏蕃使于武德殿

設太常九部樂於庭

九月乙亥太上皇御安門賜群公卿士射

二年九月庚辰宴王公百寮於承天門

開元元年十二月丁酉以吐蕃遣其大臣來求和命有司引吐

蕃使宴于三殿

二年二月癸丑宴吐蕃使及親羅王子于朝堂以早廢樂

十月庚辰宴新羅使于內殿勅宰臣及四品已上諸官預焉

七年二月壬辰朝集使還本任命有司布饌宴于庭賜帛有差

三月壬辰勅百官三月三日宜准常式賜射

壬子御丹鳳樓宴九姓同羅及契丹各賜物一百段小妻主交

三十段

八年正月丙寅以皇太子加元服宴百官于太極殿

十一月己巳御丹鳳樓宴九姓蕃安等設九部樂

九年三月戊午宴朝集使賜帛有差

四月戊申御丹鳳樓宴平胡節將王駿郭知運王智芳高崇謝知信許四品已上清官及供奉官陪宴



十二月甲午宴朝集使賜物有差

十年正月乙巳御舍元殿宴群臣賜帛有差

十一年五月丙戌命有司會群臣宴突厥使卿泥熟于都城南門  
十二年三月庚午宴朝集使千紫宸殿賜帛有差

十四年十一月己丑幸寧王憲宅與諸王宴探韻賦詩帝詩曰  
魯衛情先重親賢愛轉多冕旒豐暇日乘景暫經過戚里申高  
宴平臺奏雅歌復尋為善樂方驗保山河

十五年四月丙午梁州

督王君奭破吐蕃凱旋詔置食朝堂

宴之及將士等並賜物有差帝謂君奭及將士等曰吐蕃小醜  
敢懷逆命輒窺亭鄣以逞凶狂卿等智勇夙彰軍威克振終整  
旗鼓屢剪渠魁深入寇庭當甚勞耳

五月丁丑是日端午宴群臣于武成殿各賜衣一副帝親自賦

詩曰端午臨中夏時清日復良鹽梅已佐鼎翹蘂且傳觴事古  
人留迹年深縷續長當軒知槿茂向水覺蘆香億兆同歸壽群  
公共保長忠貞如不替貽厥後昆芽特賜宰臣李元絃及兵部  
尚書蕭嵩金章紫綬以寵之

十一月庚子御舍元殿宴群臣賜帛有差

十六年十一月丙午御舍元殿宴宴群臣賜帛有差

十七年八月癸亥帝降誕之日大置酒張樂晏百寮於花萼樓  
三月命侍臣及百寮每旬假日尋勝地讌樂供賜錢令所司供  
帳造食

五月丁卯侍臣已下讌于春明門外寧王憲之園池帝御花萼  
樓邀其回騎更令坐飲進起為舞班賜有差

十九年二月丁亥詔曰百靈降福庶君叶心陰陽調而生植以



滋政理孚而黎獻咸若由庚知萬物之樂華黍洽三農之慶信  
可以率理輔仁式歌且舞者矣况成生式序氤氲致和卉物草  
榮池籟含麗思順時令以申惠澤咸宜邀歡芳月繼賞前春夙  
夜在宮既同咸一之理休沐式宴俾共升平之樂中書門下及  
供奉官嗣主郡王在右承相少府賓客諸司三品以上長官待  
郎郎官少監少卿少匠業少引兩縣令都水使者朝集使上佐  
已上并雜除未赴任者及東宮諸司長官中舍中允少詹事論  
德中郎率蕃官三品已上至春末已來每置假日宜准去年

正月二十九日勅賜錢造食任逐勝賞

二十年二月壬辰許百寮於城東官亭子尋勝因置檢校尋勝  
以厚其事文官三品已上及兩省供奉官侍郎中丞御史咸預  
焉

四月乙亥宴百寮于上陽東洲醉者賜以衾蓐肩舁以歸相屬  
于路

五月丁卯詔河北立功將士於朝堂謂之曰天地無遠四夷奔  
走而來庭山川無幽百神眇矍而奉職斯皆上玄啓佐宗廟威  
靈肆予一人肅將明命而已乃者林胡小醜敢茲不恭爰命師  
徒掃除邊陲卿等屬當武旅之計得奮才畧之雄取如拾遺月  
猷三捷雖天誅則爾亦卿等力焉今屬旅師聊申宴勞應有官  
賞已勅所由叙定之日朕將親覽必有當賞之功用增來輿之  
氣且宜坐食兼賜卿等少物食訖領取

二十一年八月詔曰大射展禮先王創儀雖沿革或殊而遵習  
無曠往有陳奏遂後廢寢永監大典無忘舊章將射侯以觀德  
豈愛年而去禮緬惟古訓罔不率由自我而闕何以示後其三



九射禮宜依舊遵行以今年九月九日賜射于安福樓下時京官五品以上乃預其會

二十三年正月戊寅以籍田里畢大置酒於應天門以會群官八月丁亥帝降誕之日御花萼樓宴群臣御製千秋節詩序時小旱是日大澍雨百官等咸上表賀

九月辛巳宴朝集使於朝堂賜物有差

二十四年二月甲寅宴新綬縣於令朝堂

八月壬子千秋節帝御廣遠樓宴群臣奏九部樂內出舞人繩妓頌賜有差制曰自古風俗所傳歲時相樂亦各有事大小在朕生于仲秋厥日惟五遂為佳節感慶誠深今屬時和氣清年穀漸就中外無事朝野大安不日此時何云宴喜卿等即且坐飲相與盡歡又召京兆父老等宴之勅曰今茲節目穀稼有成

頃年已來不及今歲百姓既足朕實多歡故與此時與父老同宴自朝及野福慶同之並且坐食食訖樂飲兼賜少物宴訖領取甲寅以以突騎施遣大首領胡祿達于來求和許之宴于內殿賜錦衣一幅帛及采一百放于還蕃

二十五年正月壬午制曰百司每旬節休假並不須親職事任追勝為樂宣示中外知朕意焉已且以望日命有司于勤政樓前樹燈宴群臣於樓下

八月丁未千秋節宴群臣于勤政樓下

二十六年三月己巳賜朝集使五品以上錢三十萬任追勝為

樂是年正月帝親迎氣東郊詔曰今朝廷無事天下和平美景良辰任百官等追勝為樂

十月庚戌停朝參命百官于尚書省宴朝集使

二十八年正月壬寅以望御花萼樓宴群臣命有司樹燈樓于



前會大雪而罷因勅當以二月望日燒燈

八月己未以降誕之日御花萼樓宴群臣賜帛有差

正寶元年正月甲寅命有宴女國王及佛逝國于曲江令宰臣以下同宴

十月庚辰御花萼樓宴蕃客各放還蕃

三載三月勅中書門下及兩省五品以下并三品以下正員正官諸司侍郎御史中丞于鴻臚亭子祖餞朝集使及范陽節度使安祿山

四載二月勅今日十四十五十六日令中書門下及兩省供奉官諸司文官四品已上即官御史節度採訪事等並於花萼樓下宴

五載正月勅今月十四十五十六日宜令中書門下及兩省供

奉官文官四品以上武官五品以上正員並御史中丞嗣王部

主官郎御史節度使並於花萼樓下宴不須入朝

十載正月詔曰百辟協心交脩皇極所心天降休命寶祚惟新今郊廟精禋大禮克舉萬方無事九有歡心屬獻歲芳春上元望日既當行慶之序式廣在鑄之恩自今後非唯旬休及節度百官寺曹務無事之後任追遊宴樂

十三載三月丙午御躍龍殿門張樂宴群臣賜物有差極歡而罷十四載三月庚申許常參官追勝宴樂百官因上表曰伏奉恩勅令臣等三月以來分日入朝逐便尋勝伏以聖政和平景光韶麗道風淳被朝野歡娛陛下均惠澤而不遺俾簪纓而共賞因其無事許以蕃休草木加春沉翔益暢生成之德報效何階復以宮闕增脩予來云就軍麾告捷飲至初行臣等無汗馬



之空霏分器懷賀驚之志敢効猷并伏請進錢一仟貫文以充  
宴樂願接順陽之慶得伸就日之懇許之以丑御勤政樓宴群  
臣帝賦詩教栢梁體群臣畢和

八月辛卯天長節御勤政樓宴群臣

肅宗乾元元年二月戊戌宴迴紇使於紫宸殿前

八月甲辰天長節太上皇於金明樓宴百官賜綵五百匹

二年三月甲申迴紇王子骨咄特勤宰相帝德等十五人自相

州奔于西京帝宴之于紫宸殿賞物有差

八月壬戌十姓爰騎施黑姓可汗阿羅裴羅等并波斯進物使

李摩日及寧遠園使葛等來朝並宴於內殿

九月丙寅帝降誕日宴百官于宣政殿前賜絹三百匹

十二月戊申宴蕃胡拓翔於三殿各賜物三十段

代宗寶應元年六月丁巳以突厥奴刺部落千餘人內屬請詩

賊自效宴奴刺大首領于內殿賜物有差

七月辛丑宴六軍將于三殿賜物有差

八月己酉奚及契丹來朝宴于三殿丁巳宴宰臣及師保侍給

舍中丞六尚書左右丞侍郎諸司長官寺于延英殿賜物各有

差

九月戊寅宴郭子儀等諸將于延英殿賜物有差丙申迴紇可汗

舉兵馬至大原遣使奉表請助王師討平殘寇是日引其使宴于延英殿賜物有差

廣德二年十一月戊午公卿率錢于哥舒翰宅宴慰副元帥郭

子儀特給大常音樂

永泰元年正月辛亥宴宰臣及兩省五品已上御史五品已上

尚書省四品已上寺官及諸司長官於延英殿



天曆二年二月丙戌郭子儀至自河中府癸卯許宰臣元載王  
縉及左僕射裴冕戶部侍郎判度支第五琦京兆尹黎幹各出  
錢三十萬宴郭子儀于子儀私第內侍魚朝恩參其惠焉朝恩  
出錦三十匹絳羅五十匹絳綾一百匹為子儀纏頭之費極歡  
而罷舊儀賞歌舞人以絳羅置之頭上謂之纏頭

三月甲戌內侍魚朝恩請于春明門外私第宴宰臣僕射舊相  
節度使度支京尹等許之乙亥郭子儀請宴宰臣第于私第許  
之戊寅汴宋節度使四神功請宴宰臣等于私第許之時子儀  
難漸平蹈舞王化及置酒酣飲皆起舞出良馬良馬寶鞍錦羅  
綾絲等為纏頭之費上自宰臣分卿及中官高品凡列坐者百  
餘人下及伶人皆獲享賚子儀已卯宴吐蕃使于禮賓殿  
朝恩神功或費至十萬貫者  
八月癸未御三殿宴抱玉杜鴻及河南江淮轉運使劉宴荆  
南節度使衛伯玉等賜物有差

三年二月戊子宴閔內河內副元帥郭子儀鳳祥澤潞節度使  
李抱玉及邠寧節度使馬璘等

五月戊午宴劔南陳鄭神策將士三千五百人於三殿賜物有  
差丙寅御紫宸殿宴新羅迴紇使

十二月丁巳宴宰臣及諸道節度使于內殿賜物有差  
四年十月丁巳宴吐蕃尚悉摩等八人於紫宸殿

五年六月辛丑宴宰臣及節度使尚書御史大夫京兆尹於內  
殿賜物有差

六年正月乙卯宴宰臣及節度使六尚書御史大夫京兆尹判  
度支戶部侍郎於內殿賜物有差

十一月宴文單國王婆彌等二十五人于三殿

八年十一月戊午宴宰臣郭子儀李抱玉王縉元載及僕射裴



遵慶侯侯希逸御史大夫李栖筠吏部尚書劉晏渭北節度使  
藏布讓神策軍兵馬使王駕鶴京兆尹杜濟於延英賜物各  
有差

閏十一月癸亥宴宰臣及節度使轉運使御史大夫京兆尹判  
度支戶部侍郎于內殿賜錦絲金銀器物各有差

九年四月辛巳宴宰臣及諸節度使轉運使御史大夫京兆尹判  
度支戶部侍郎及勳舊大臣於內殿賜物有差

十年八月乙亥宴宰臣及御史大夫節度使轉運使判度支戶  
部侍郎京兆尹於三殿賜物各有差

十三年正月甲戌帝御三殿宴宰臣及節度使轉運使判度支  
戶部侍郎京兆尹等賜物有差

二月庚辰帝御三殿宴侍臣五品已上御史臺五品已上尚書  
省四品已上及節度觀察在城判官等並宰臣勳臣弟兄等並

赴會凡三日連宴賜賚極于豐厚

十四年二月壬辰帝御三殿宴宰臣及兩省供奉官並文武百  
寮賜物有差癸巳又御三殿宴至德已來勳臣子弟及鄱邱舊  
臣子弟賜物有差順時令廣恩也

德宗興元元年七月壬午車駕自興元至京師帝既還宮每間  
宴勳臣於麟德殿必親閱酒饌盛陳音樂極歡而罷其所頒賜  
李晟守之渾瑊次之諸宰臣及節將又次之所以褒元功宗秩  
序也

貞元元年二月寒食節命詔義節度使李抱貞山南西南節度  
使嚴震與神策金五六軍使擊鞠於內殿頒賜各有差

四年二月戊戌帝御麟德殿觀宰臣李晟馬燧及諸將會鞠李



泌辭以不能請記籌後之頌賜有差辛卯帝以寒食假滿內朝會禾畢是日特賜百官假日一

三月甲寅宴百寮於麟德殿設九部樂及內出舞馬帝製序及詩以賜群臣於是給御筆仍命屬和頌賜各有差至德以來軍事務殷宴賜殆絕大曆末唯宴兩省供奉官及諸司三品官而已朝臣不周及馬至是常泰及二王後皇室從曾祖以下親異姓諸親勲臣節將子孫悉集焉

四月御玄英門宴六軍及神策神威諸將賜頌各有差

五月宴賜東蠻鬼主驃傍首曼衝首烏星等於麟德殿頌賜各有差

九月詔曰內外卿士左右朕躬朝夕公門勤勞衆務令方隅無事蒸庶小康其晦日上巳重陽三節任擇勝地追賞每節仍賜

宰相及常參官錢五百貫翰林學士一百貫左右神威神策十軍共一千貫金吾英武威遠及諸衛將軍共二百貫客省奏事官一百貫委度支節支日分付永為常制

六年二月戊辰中和節宴百寮于曲江亭帝賜詩賜之

三月庚子百寮于曲江亭帝賦詩以賜之己酉帝以寒食與宰臣及北軍諸將軍擊鞠於麟德殿班賜各有差

四月帝曰朕頃以四方不寧宵衣旰食百寮迹遑遑無暇日兵革漸息夏麥大登朝官有暇日遊宴者令京尹不須奏

八年正月詔三節宴集先已賜位諸將軍錢其牽已下可賜錢百千

八月詔曰屬者春秋令節朝野多歡乃與公族庶寮俾同宴賞今兩河兵楚連被水災悼于厥心實未寧息尚軫愛念豈遑愉



樂其九日宴會宜罷

九年二月庚戌朔初以中和節賜宴錢給百寮先是宰相以曲江合宴陳設供辦為府縣之弊請分給是錢令諸司會于他所後之自是訖于貞元三節公宴悉分矣

九月以贈大師李晟薨日近罷九日宴會

十一年九月十日以重陽日宴賜百寮追賞初九日以雨罷宴及是方會宴帝賦詩以賜百官

十一年三月上巳賜宰臣及兩省供奉官宴于曲江

九月癸卯賜中門書下及兩省供奉官宴于曲江帝賦詩以賜百寮百寮畢和

十二月戊辰臘帝畋苑中上多殺行三驅之禮軍士無不知感畢事幸左神策軍勞軍享士而還

十二年二月己卯寒食節帝御麟德殿之東亭觀武臣及勳戚子弟會毬兼賜宰臣醢饌於宰臣位後施畫屏風圖漢魏名相仍紀其嘉言美行題之于下宰各賜錦綵百疋銀瓶盤久一具其從官直省各有

十三年二月丁巳朔賜宰臣及兩省供奉官宴于曲江又寒食賜宰相宴於麟德殿前觀會毬各賜錦綵瓶盤等

九月重陽節賜宰臣及兩省供奉官宴于曲江賜中書門下及百寮詩

十四年正月帝謂宰臣等曰文武之士列在朝序熙我庶績勤效用彰今屬勾芒應時萬物生育朕至中和之節欲與麟德殿宴會群寮所異君臣同飲式昭在鑄之義宰臣等奏曰今八表清寧天下無事中和令節時屬上春萬國歡心咸同此日陛下



俯降恩旨欲宴朝臣天光下臨曲示慈惠臣等不勝慶忭之至  
二月壬子朔以雨雪不克宴會改俟他日戊午帝御麟德殿賜  
文武百寮宴樂於東西廂初奏破陣樂舞帝自制中和樂是日  
奏之又奏九部樂及禁中樂舞妓者十數人布列於庭樂飲極  
歡日宴方罷賜宰臣錦綵各二百匹加瓶盤等各有差帝製中  
春麟德殿會百寮觀新樂詩仍令皇太子書以示百寮

九月重陽節以襄陽節度樊澤卒廢朝其百官宴亭宜改取十  
一日

十五年正月詔罷今年中和宴會以早故也

二月詔罷今年三月三日宴

九月詔罷今年重陽日宴會是日吳少誠逆徒圍許州

十六年正月詔罷今年中和節會

二月詔罷今年三月三日宴會

九月士駙馬都尉郭暖卒罷九日宴會

十七年二月朔賜群臣會宴於曲江亭晏帝命中使薛盈珍賜詩

三月上巳賜群臣會宴於曲江

十八年二月朔賜群臣會宴於延康里故馬麟池亭

三月上巳賜宰臣及兩省官會宴於故馬麟池亭

九月重節陽賜宰臣及中書門下兩省官宴於故馬麟池亭御  
製豐年多慶九日賜懷詩以賜群臣

十九年二月朔兩省供奉官會於馬麟池亭

三月上巳賜中書門下及兩省供奉官會於馬麟池亭

二十年二月朔罷中和宴歲儉故也

九月九日賜中書門下及兩省供奉官宴於馬池亭



新刊監本冊府元龜卷一百一十

